

VLADA FEDERACIJE BiH U 2025. GODINI

Za razvoj Bosanske Krupe u planu između 1,6 i dva miliona KM

str. 6

92,3
94,7
MHz
RTV
BIHAĆ
rtvbihac.ba

RADIO-TELEVIZIJA
USK
Trg Maršala Tita bb,
Bihać

**TREND
RADIO** 91,6



Unsko-sanske novine

KRAJINA

PETAK, 26. septembra/rujna 2025. godine Bihać Godina: XXX Broj: 1535
cijena 1 KM e-mail: usnovine@bih.net.ba www.usnkrajina.com.ba



Vi nama poverenje

Mi Vama sigurnost

www.camelija-osiguranje.com info@camelija-osiguranje.com

SKUPŠTINA UNSKO-SANSKOG KANTONA IMENOVALA NOVU VLADU

Mustafa Ružnić novi premijer, Nisvet Jusić predsjedavajući Skupštine USK-a

Na vanrednoj sjednici Skupštine Unsko-sanskog kantona koja je održana u utorak, 23. septembra, a na zahtjev 16 zastupnika koji čine novu većinu u Unsko-sanskom kantonu, smijenjeno je rukovodstvo Skupštine USK, ali i Vlada USK.

Nisvet Jusić iz SBiH je novi predsjedavajući Skupštine USK, umjesto dosadašnjeg Zikrije Durakovića (POMak) dok je novi premijer Mustafa Ružnić (NES) zamijenio Nijazu Hušića na ovoj poziciji (SDA). Ružnić je funkciju premijera USK obavljao u periodu 2018-2023. godine. Na sjednici nije smijenjeno samo rukovodstvo radnih tijela Skupštine, kao i Kantonalna vlada, nego i Skupština ŠPD "Unsko-sanske šume" d.o.o. Bosanska Krupa.

Zikrija Duraković, dosadašnji predsjedavajući Skupštine iz POMAK-a, zahvalio se svima na dosadašnjem radu delegatima,



ministrima i građanima. Duraković je smijenjen sa 17 glasova "za", 8 "protiv" i 1 suzdržan dok je sa 16 glasova za, 7 protiv i 3 suzdržana izglasan Jusić.

Na poziciji zamjenika predsjedavajućeg Skupštine USK ostaju Ines Delić (SDA) i Mla-

den Lonić (SDP).

- Gospodski smo ušli u ovo i gospodski ćemo izaći. Zašto se ovo desilo? Zbog sarajevskih fotelja. Sve ijedan lider sarajevski je došao u USK da ga posmatra kao žvaku u kusuru koju dobijete i zato se ova vlada smjenjuje. Svi lideri su bili, uključujući i

mog. Nisu ovo građani USK za služili. Mi ćemo kao opoziciona stranka ovo sve razgoliti, rekao je Hušić.

Novi sastav Vlade koju predvodi Mustafa Ružnić čine Sanela Zečirević, ministrica pravosuđa i uprave, Samra Mehić, ministrica privrede,

Štefica Grgić, ministrica zdravlja, rada i socijalne politike, Edvin Odošić, ministar za građenje, prostorno uređenje i zaštitu okoliša, Almir Zulić, ministar za pitanja boraca i RVI, a pozicije su u novoimenovanom sazivu izvršne vlasti zadržali Denis Osmankić, ministar obrazovanja, nauke, kulture i sporta, Danko Jakšić, ministar finansija, Edvin Alijanović, ministar poljoprivrede, vodoprivrede i šumarstva i Adnan Habibija, ministar unutrašnjih poslova.

- Trebamo uraditi ono što je do nas, da svaki minut mandata trošimo kako bi stvorili što bolji ambijent u ovom dijelu Bosne i Hercegovine, koji nije tamo negdje na kraju nego na vrhu BiH, a to je naša Krajina, poručio je novimenovani premijer Mustafa Ružnić.

Dan kasnije, održana je konstituirajuća sjednica Vlade USK-a u novom sazivu, te prva redovna sjednica. / N. Džanić



BIHAĆKE URBANE LEGENDE:

Nijaz i Edin Muslić

Otac i sin str. 12 i 13
sensei karatea

INTERVJU: ALEN ZULIĆ, DIREKTOR JP NACIONALNI PARK "UNA" BIHAĆ



Interes turista raste iz godine u godinu str. 4

aktualnosti • oglasi

FEDERALNO MINISTARSTVO RASELJENIH OSOBA I IZBJEGLICA

Potpisani ugovori za očuvanje skoro 700 radnih mjesta povratnika

Federalno ministarstvo raseljenih osoba i izbjeglica potpisalo je u sjedištu Vlade Federacije BiH u Sarajevu, ugovore sa 220 aplikanta koji su ispunili opće kriterije „Javnog poziva za programe podrške očuvanju radnih mjesta povratnika u entitetu Republika Srpska za 2025. godinu“.

Za ovu namjenu izdvojeno je više od 1,3 miliona KM, čime se osigurava očuvanje radnih mjesta za 691 uposlenog povratnika u 31 opštini/gradu u RS-u.

Iz Ministarstva navode da je na Javni poziv pristiglo ukupno 264 prijave, od čega se 211 prijava odnosilo na Program 1 – podršku očuvanju radnih mjesta i unaprjeđenje uslova rada povratnika, dok je 53 prijave pristiglo na Program 2 – refundiranje troškova poreza i doprinosa za januar, februar i mart 2025. godine.

Ugovorima se precizira da korisnici sredstava imaju obavezu da najmanje 10 posto do maksimalno 100



posto doznačenih sredstava po uposlenom, isplate kao dodatni prihod radnicima, dok će ostatak biti usmjeren u razvoj poslovanja - nabavku opreme, proširenje ili adaptaciju poslovnih prostorija.

- Očuvanje radnih mjesta povratnika u entitetu Republika Srpska jedan je od ključnih ciljeva našeg djelovanja. Kroz ove programe ne

pomažemo samo privrednim subjektima i vjerskim zajednicama u povratničkim sredinama, nego direktno doprinosimo opstanku povratnika na svojim ognjištima. Drago mi je da smo i ove godine, kroz više od 1,3 miliona KM, uspjeli osigurati podršku za oko 700 porodica povratnika, kazao je federalni ministar raseljenih osoba i izbjeglica Nerin Dizdar.

jeglica Nerin Dizdar.

Federalno ministarstvo će nastaviti u narednom periodu provoditi programe koji imaju za cilj jačanje održivog povratka kroz ekonomsko osnaživanje i unaprjeđenje uslova života povratnika u svim povratničkim sredinama, saopćeno je iz Federalnog ministarstva raseljenih osoba i izbjeglica.

FEDERALNO MINISTARSTVO FINANCIJA

Braniteljima isplaćeno 19,8 miliona maraka pomoći

Federalno ministarstvo financija priopćilo je da je da je u srijedu, 24. septembra, isplaćena jednokratna pomoć korisnicima prava iz oblasti braniteljsko-invalidske zaštite. Za ove namjene iz Proračuna Federacije BiH za 2025. godinu osigurano je ukupno 19,8 milijuna KM. Riječ je o 200 KM po korisniku.

Cilj ove pomoći je osiguravanje finansijske i materijalne podrške u svrhu poboljšanja materijalnog statusa korisnika prava iz oblasti braniteljsko-invalidske zaštite koji se financiraju iz sredstava Proračuna Federacije BiH, a zbog povećanja cijene potrošačke košarice.

Podsjećamo, Vlada Federacije BiH prethodno je usvojila Uredbu o jednokratnoj novčanoj pomoći korisnicima prava iz oblasti braniteljsko-invalidske zaštite. Sukladno ovoj uredbi pravo



Ministar Toni Kraljević

na jednokratnu novčanu pomoć imaju korisnici osobne i obiteljske invalidnine, mjesečnog novčanog dodatka po osnovu priznanja ili odlikovavanja i novčane egzistencijalne naknade, koja se ostvaruju prema federalnim propisima i isplaćuju iz Proračuna Federacije BiH.

Također, prema Uredbi jednokratna novčana pomoć se isplaćuje osobama koje su imale priznat status korisnika prava i bila na isplati naknada iz oblasti braniteljsko-invalidske zaštite za august 2025. godine, saopćeno je iz Ministarstva financija F BiH.

Izaberi paket za Z generaciju

TeenZ

5 KM na bonus računu
200 minuta/SMS
2 najbroja za besplatnu komunikaciju
Free FB, IG i TikTok

Ako potrošiš Gige, minute ili SMS, možeš jednostavno dopuniti račun kao Ultra kredit.

bh

10GB
mesečno
15KM



VLADA UNSKO-SANSKOG KANTONA

Poticaji za razvoj turizma, podrška gradovima i općinama, subvencije za višečlane porodice

Vlada Unsko-sanskog kantona na 71. sjednici donijela je Pravilnik o postupcima u provođenju Programa poticaja razvoja male privrede za 2025. godinu. Ovim Pravilnikom se, radi ostvarivanja ciljeva razvoja male privrede, poticajne mjere i aktivnosti njihovog provođenja utvrđuju na način koji osigurava jednakopravnost prema krajnjim korisnicima.

Donesena je i Odluka o kriterijima i postupku dodjele sredstava odobrenih u Budžetu USK za 2025. godinu putem Ministarstva privrede sa pozicije kapitalni grantovi drugim nivoima vlasti u oblasti turizma.

Ovom odlukom utvrđeni su kriteriji i postupak dodjele sredstava iz Budžeta Ministarstva privrede za kapitalne grantove drugim nivoima vlasti i fondovima u oblasti turizma, a s ciljem pružanja podrške gradovima/općinama na području Unsko-sanskog kantona koje provode infrastrukturne projekte nabavke i postavljanja turističke signalizacije, a sredstva su utvrđena u iznosu 700.000 KM.

Iz resora Ministarstva privrede Vlada Unsko-sanskog kantona donijela je i Program poticaja razvoja turizma za 2025. godinu kojim su utvrđene poticajne mjere i aktivnosti radi ostvarivanja ciljeva razvoja male privrede, te prioriteta i kriteriji poticaja razvoja male privrede u turističko-ugostiteljskoj djelatnosti radi pružanja podr-

ške subjektima male privrede, fizičkim i pravnim licima, te razvoja turističkih proizvoda koji doprinose unaprijeđenju turističke ponude i povećanju zapošljavanja, povećanja kvaliteta i konkurentnosti male privrede, povećanja broja subjekata male privrede, povećanja udjela žena, mladih i osoba sa invaliditetom u turističko-ugostiteljskoj djelatnosti.

Za ovaj program u budžetu Ministarstva privrede planiran je iznos od milion KM koja će se dodjeljivati putem javnog poziva za subvencije preduzećima i poduzetnicima u oblasti turizma, po podsticajnim mjerama „Jačanje konkurentnosti subjekata male privrede - fizičkih lica u turističko-ugostiteljskoj djelatnosti“ i „Jačanje konkurentnosti subjekata male privrede - pravnih lica u turističko-ugostiteljskoj djelatnosti“.

Vlada je usvojila je i Program utroška dijela sredstava nižim nivoima vlasti putem Ministarstva privrede po programu za podršku gradovima i općinama, za realizaciju projekata čije se projektne aktivnosti odnose na organizaciju turističkih i drugih manifestacija koje doprinose unaprijeđenju turističke ponude.

Gradovima i općinama će, za projekte koji su ispunili kriterije po javnom pozivu Ministarstva privrede za ovu namjenu će biti raspoređen iznos od 280. 226 KM.

Na 71. sjednici Vlada USK donijela je Odluku o sub-

bvencioniranju dijela zakupnine stana ili kuće za višečlane porodice. Ovom Odlukom propisani su kriteriji za dodjelu sredstava, postupak podnošenja prijave, način bodovanja i utvrđivanja rang liste, te postupak dodjele sredstava za subvencioniranje dijela zakupnine stana ili kuće za višečlane porodice.

Finansijska sredstva za provođenje ove Odluke planirana su u Budžetu Ministarstva za građenje, prostorno uređenje i zaštitu okoliša u iznosu od 50.000 KM.

Visina subvencije zakupnine stana ili kuće za višečlane porodice iznosiće 80% iznosa navedenog u ugovoru o zakupu stana ili kuće, a najviše 400,00 KM mjesečno za period od 12 mjeseci. Kroz ovaj program, koji je dio demografskih mjera Vlade Unsko-sanskog kantona, prethodno je donesena odluka o subvencioniranju stambenog zbrinjavanja za višečlane porodice (porodice 3 plus). Ovo je prvi put da su mjere za pomoć višečlanim porodicama uključene u budžet Kantona, po uzoru na program za subvencioniranje zakupnine i rješavanja stambenog pitanja za mlade bračne parove koji se već realizira kroz Ministarstvo za građenje, prostorno uređenje i zaštitu okoliša. Od naredne godine Vlada Unsko-sanskog kantona planira i pokretanje programa subvencioniranja dijela zakupnine i za studente fakulteta Univerziteta u Bihaću.

MINISTAR ALIJANOVIĆ U POSJETI BOSANSKOM PETROVCU

U fokusu vodosnabdijevanje

Ministar poljoprivrede, vodoprivrede i šumarstva u Vladi USK Edvin Alijanović posjetio je Općinu Bosanski Petrovac.

U razgovoru sa načelnikom Bosanskog Petrovca Mahmutom Jukićem riječi je bilo o realizaciji projekata iz oblasti vodosnabdijevanja i toku radova na izgradnji



vodnih objekata u Smoljani, Krnjeuši, Bravskom i Dido- vićima, ukupne vrijednosti oko 210.000 KM, saopćeno je iz Općine Bosanski Petrovac.

Ministar Alijanović je sa načelnikom Jukićem i saradnicima obišao i lokaciju radova na izgradnji kanalizacijske mreže u naselju Dido- vići, gdje vrijednost radova iznosi 60.000 KM.

KOMENTAR

Na staklenim nogama moći

Naša politička scena, u posljednje vrijeme sve više liči na loše režirani teatar, u kojem se glavne uloge ne dobijaju glasovima naroda, već cijenom mandata. Najbolji primjer su političari koji su u samo nekoliko mjeseci, promijenili strane više puta, čas se priklanjajući jednom, čas drugom političkom taboru, čas podržavajući jedne, čas druge, istovremeno rušeći ono što su ranije gradili. Takva politička akrobatika više ne može stati u okvir „prava na političko opredjeljenje“ – ona postaje sinonim za potpunu eroziju



PIŠE
Fahrudin VOJIC

Kada se izgubi povjerenje u institucije, gubi se i vjerovanje da promjena može doći demokratskim putem

povjerenja. Javnost se s pravom pita – ako se mandatom tako olako barata, vrijedi li uopće njihov glas? Ispada da budžet kojeg građani pune porezima, služi kao podloga za političku trgovinu, a oni koji bi trebali predstavljati narod, pretvaraju parlament u pijacu. Najopasnije od svega je to što takvo ponašanje postaje pravilo, a ne izuzetak. Kada se izgubi povjerenje u institucije, gubi se i vjerovanje da promjena može doći demokratskim putem. A to je cijena koju društvo, sa svim svojim problemima i potrebama, ne može sebi dozvoliti.

U SARAJEVU ODRŽANA 15. MEĐUNARODNA KONFERENCIJA „RIM 2025“

Konferencija okupila veliki broj akademskih radnika, istraživača i stručnjaka iz BiH i inozemstva



U Sarajevu je održana 15. Međunarodna naučna konferencija o proizvodnom inženjstvu "RIM 2025", u organizaciji Tehničkog fakulteta Univerziteta u Bihaću.

Konferencija je okupila veliki broj akademskih radnika, istraživača i stručnjaka iz Bosne i Hercegovine i inozemstva. Svečanom otvaranju konferencije prisustvovali su predstavnici Vlade i Skupštine USK, na čelu sa premijerom Nijazom Hušićem i predsjedavajućim Skupštine Zikrijom Durakovićem.

- Jedan od glavnih ciljeva ove konferencije jeste da okupi istraživače, naučnike i stručnjake sa željom za kreiranjem platforme za razm-

jenu novih ideja i dostignuća u različitim inženjerskim oblastima.

Organizator, Tehnički fakultet ima značajnu ulogu u sistemu obrazovanja na prostoru Krajine, od samih začeta stvaranja Univerziteta u Bihaću i znam da mogu računati na vas da ćemo biti partneri u naporima da jačamo i razvijamo dalje Univerzitet u Bihaću. Isto tako, vi znate da sam uvijek otvoren za saradnju i podršku svakom projektu koji okuplja i ujedinjuje ljude i doprinosi pozitivnim promjenama u društvu, a Univerzitet u Bihaću ima organizacijskog potencijala i ljude koji mogu iznijeti ulogu pokretača pozitivnih promjena i inicijativa. Uz

snažnu akademsku zajednicu, realni sektor kojem stvaramo dobre uvjete za poslovanje i uz ljudski potencijal, naše mlade ljude, koje i vi obrazujete, i otvaranjem prilika koje će privlačiti stručnjake, sposobne i vrijedne ljude, mi zaista imamo sve predispozicije da budemo najsnažniji dio naše države u svakom aspektu, istakao je u uvodnom obraćanju premijer Hušić.

Organizatori konferencije su dodijelili plakete premijeru Unsko-sanskog kantona Nijazu Hušiću i ministru obrazovanja, nauke, kulture i sporta u Vladi Unsko-sanskog kantona Denisu Osmanliću za iskazanu podršku u organizovanju ovog značajnog naučnog skupa. /I. S.

INTERVJU: ALEN ZULIĆ, DIREKTOR JP NACIONALNI PARK “UNA” BIHAĆ

Interes turista za posjet NP “Una” raste iz godine u godinu

● Za zaštitu rijeke Une ključno je odgovorno upravljanje, sprječavanje zagađenja i nelegalne gradnje, te edukacija lokalne zajednice i posjetilaca o očuvanju prirodnog okruženja ● Jesen je idealno vrijeme za mirnije obilaske najatraktivnijih lokaliteta, poput vodopada Štrbački buk i Martinbrod, bez ljetnih gužvi, ali i za upoznavanje kulturno-historijskih spomenika unutar granica parka

Krajina: Kalendarski jesen je nastupila 22. septembra pa se već može govoriti o turističkoj podsezoni. Kako ste zadovoljni posjećenošću Nacionalnom parku “Una” u prvih devet mjeseci ove godine?

ZULIĆ: Zadovoljni smo posjećenošću Nacionalnog parka „Una“ u prvih devet mjeseci ove godine. Iako je kalendarski jesen već nastupila, još uvijek ne možemo govoriti o zvaničnoj podsezoni jer bilježimo kontinuirane dolaske i najavljene grupe koje tek očekujemo u narednim danima. U poređenju sa istim periodom prošle godine, već sada imamo porast posjeta za više od šest posto. Posebno želimo naglasiti da se ovi podaci odnose na brojke posjetitelja koji su prošli kroz posjetilačke zone Nacionalnog parka „Una“, a poznato je da je područje parka znatno šire i bogatije od samih posjetilačkih zona. To nam daje dodatni optimizam i potvrđuje da interes za NP „Una“ i dalje raste.

Krajina: U odnosu na proteklu turističku sezonu, jesu li ovogodišnji rezultati bolji ili ne, obzirom da je Vijeće ministara BiH sa zakašnjenjem odobrilo izdavanje viza za neke zemlje Bliskog istoka otkud nam svake godine dolazi značajan broj turista?

ZULIĆ: U posjetilačkim zonama Nacionalnog parka „Una“ nismo osjetili nedostatak turista, pa tako ni onih s područja Bliskog istoka, bez obzira na kašnjenje u odobravanju viza. Ako posmatramo kretanja po mjesecima, sveukupni rezultati su bolji u odnosu na prošlu godinu. Tako u maju bilježimo porast od 20% u odnosu na isti mjesec prethodne godine, u junu 12%, dok je u julu zabilježen pad od 7%. Međutim, u augustu smo imali rast od 17%, a u septembru dodatnih 7%. Sve to pokazuje da je ovogodišnja sezona u cjelini bila uspješnija.

KRAJINA: Organiziranje 51. Internacionalne turističke Una regate bilo je izuzetno

zahtjevno, ali su konačni rezultati opravdali sav trud. Da li je 51. Una regata premašila rekordnu jubilarnu 50-tu, koja je po mnogo čemu, do tada, bila najuspješnija?

ZULIĆ: Po našem mišljenju, ovogodišnja 51. Internacionalna turistička Una regata zaista je nadmašila jubilarnu 50-tu, koja je do tada slovila kao najuspješnija. Razlog tome je sveobuhvatnija organizacija i uvođenje niza novih sadržaja. Prvi put imali smo dodatni „promo“ dan regate, dan uoči zvaničnog starta – okupljanje na izvoru Une i simbolično spajanje kajacima od izvora Une u Hrvatskoj do granice s BiH, čime smo poslali snažnu poruku zajedničkog očuvanja i promocije rijeke Une. Također, u organizaciju je dodatno uključen i Grad Cazin, čime je regata dobila širu dimenziju. Uz tradicionalnu „karavanu na vodi“, uvedena je i „karavana u vozu“ – turistički voz „Una regata 51“ koji je pratio regatu na relaciji Bihać – Bosanska Krupa. Time smo željeli pokazati potencijal unske pruge da postane turistički proizvod Unsko-sanskog kantona, od kojeg bi tokom ljetnih mjeseci svi mogli imati velike koristi. Pored toga, bogat zabavni i kulturni program, spektakularni koncerti sa muzičkim zvijezdama, skokovi sa gradskog mosta, „blobbing“ takmičenje i brojne zabavne igre za učesnike – dodatno su podigli nivo manifestacije. Sve to u zbiru čini da možemo reći da je 51. Una regata organizacijski i sadržajno podignuta na viši nivo.

KRAJINA: Već smo spomenuli da smo ušli u podsezona. Koje sadržaje Nacionalni park “Una” turistima nudi u periodu do kraja godine?

ZULIĆ: Ulaskom u podsezona, Nacionalni park „Una“ i dalje nudi bogat sadržaj posjetiocima. Period do kraja godine posebno je atraktivan za ljubitelje aktivnog odmora i boravka u prirodi. Na raspo-



laganju su uredene hiking i biking staze koje vode kroz najljepše dijelove parka, omogućavajući posjetiocima da uživaju u jesenskim bojama i prirodnim ljepotama Une na jedan poseban način. Osim toga, ovo je idealno vrijeme za mirnije obilaske najatraktivnijih lokaliteta poput vodopada Štrbački buk i Martinbrod bez ljetnih gužvi, ali i za upoznavanje kulturno-historijskih spomenika unutar granica parka. Jesen u Nacionalnom parku „Una“ donosi i posebnu atmosferu – spoj tišine, svježine i intenzivnih boja prirode, što svaki boravak čini jedinstvenim doživljajem.

KRAJINA: Koje sve aktivnosti ste poduzeli u ovoj godini na poboljšanju turističke ponude?

ZULIĆ: Tokom ove godine u Nacionalnom parku „Una“ realizirali smo niz aktivnosti usmjerenih na poboljšanje turističke ponude i kvaliteta boravka posjetilaca. Poseban naglasak stavljen je na infrastrukturna ulaganja. Tako je urađeno asfaltiranje dionica puta prema posjetilačkim zonama, i to na relaciji Čelije – Štrbački buk, a ovih dana završava se asfaltiranje dionice puta Martinbrod – Kulen Vakuf, čime je olakšan pristup najatraktivnijim lokacijama parka. Uz to, uredena je nova parking zona, postavljena septička jama, te je u toku nabavka mobilnih toa-

leta radi veće udobnosti i higijenskih standarda za naše posjetioce. Posebna pažnja posvećena je i potrebama učesnika u rafting turama, pa su izrađene i postavljene nove kabine za presvlačenje raftera, što je značajan iskorak u poboljšanju logistike i uslova za ovaj sve popularniji oblik turističke ponude. Sve ove aktivnosti imaju zajednički cilj – stvaranje kvalitetnijeg, sigurnijeg i prijatnijeg ambijenta za boravak u Nacionalnom parku „Una“, ali i jačanje njegove prepoznatljivosti kao destinacije koja stalno ulaže u razvoj i unaprijeđenje svojih sadržaja.

KRAJINA: Na zadnjoj sjednici Gradskog vijeća gradonačelnik je najavio uklanjanje nelegalno izgrađenih objekata na obalama Une. Kako je naglasio ova aktivnost kreće od Nacionalnog parka. Koliko je ovaj problem prisutan u zoni NP “Una” i koliko je uopće moguće obale Une vratiti u prvobitno stanje?

ZULIĆ: Nažalost, pojava nelegalne izgradnje prisutna je i u okvirima Nacionalnog parka „Una“. Uprkos redovnim aktivnostima nadzorničke službe, koja je sve nelegalno izgrađene objekte evidentirala, zapisnički obrađivala investitori i dalje nastavljaju sa gradnjom i tu se završavaju krajnji dometi koje uprava Nacionalnog parka

može poduzeti u okviru svojih nadležnosti. Što se samih obala Une tiče, one se moraju dovesti u prvobitno stanje. Svjesni smo da će takvi prostori, nakon uklanjanja objekata, još dugo nositi ožiljke antropogenog utjecaja, ali priroda ima nevjerovatnu sposobnost regeneracije. Samo vraćanjem obala što bliže izvornom stanju može se omogućiti prirodnim procesima da ih izliječe i vrate njihovu pravu vrijednost.

KRAJINA: Nedavna zamućenost rijeke Une ozbiljno je zabrinula sve građane Bihaća i drugih općina i gradova gdje je ova pojava uočena. Da li je do sada otkriven uzrok ove pojavnosti i koje su posljedice iste?

ZULIĆ: Prema nama dostupnim informacijama i dosadašnjim rezultatima analiza, uzrok nedavne zamućenosti rijeke Une još uvijek nije u potpunosti ustanovljen. Ne isključujemo mogućnost da na ovu pojavu djelom utječu i klimatske promjene, koje su dovele do izuzetno niskog vodostaja, kao i povišene temperature vode. Takvi uslovi mogu uzrokovati promjene u ekosistemu, među kojima je i povećana prisutnost određenih biljnih vrsta u samom vodotoku rijeke Une. Naravno, ovom prilikom želimo uputiti apel svim pojedincima, institucijama i

privrednim subjektima da budu odgovorni prema prirodi, da vode računa o otpadnim vodama, prate dostupne fondove i ulažu u filtere i sisteme za pročišćavanje, jer se time direktno čuva i zdravlje rijeke kao i kvalitet života ljudi. Odnos prema prirodi je uvijek i odnos prema samima sebi.

KRAJINA: Šta je, po Vašem mišljenju, ključno učiniti na zaštiti rijeke Une, koja je naše možda i najveće prirodno bogatstvo koje imamo i koje smo, kako se to kaže, posudili od budućih generacija?

ZULIĆ: Po našem mišljenju, ključno je kombinirati odgovorno upravljanje, edukaciju i aktivnu zaštitu prirodnog okruženja rijeke Une. Prije svega, neophodno je kontinuirano nadzirati kvalitet vode, sprječavati nelegalnu gradnju i odlaganje otpada, te ulagati u infrastrukturna rješenja poput filtera i sistema za prečišćavanje otpadnih voda. Jednako važna je edukacija lokalne zajednice i posjetilaca – podizanje svijesti da svaka osoba svojim postupcima direktno utječe na očuvanje rijeke. Promocija održivog turizma, očuvanje obala i biodiverziteta, te uključivanje institucija i nevladinih organizacija u zajedničke projekte zaštite, ključni su koraci da rijeka Una ostane ne samo simbol Unsko-sanskog kantona, nego i trajno prirodno bogatstvo koje ćemo predati budućim generacijama. U konačnici, zaštita Une znači i odgovornost prema sebi i zajednici, jer zdrav ekosistem rijeke direktno utiče na kvalitet života svih nas.

KRAJINA: Koja bi bila Vaša poruka za kraj?

ZULIĆ: Za zaštitu rijeke Une ključno je odgovorno upravljanje, sprječavanje zagađenja i nelegalne gradnje, te edukacija lokalne zajednice i posjetilaca o očuvanju prirodnog okruženja. rijeku Unu ne treba čuvati od ljudi, već učiti ljude da čuvaju Unu. N. Pirić

SEDIĆ RAZGOVARAO S PREDSTAVNICIMA IDDEEA-E

Mogućnosti uvođenja elektronskog potpisa za građane Bihaća

Krajem protekle sedmice, gradonačelnik Elvedin Sedić ugostio je Dijanu Joldžić Ogršević, predstavnicu Agencije za identifikacione dokumente, evidenciju i razmjenu podataka BiH (IDDEEA). U fokusu sastanka bio je nastavak saradnje nakon što je gradonačelnik nedavno preuzeo vlastiti elektronski potpis, te razmatranje mogućnosti da se ista usluga omogući i građanima Bihaća.

S tim u vezi, govorilo se o praktičnim koracima za real-



izaciju ovog procesa, odnosno o načinu na koji bi građani mogli registrovati i koristiti elektronski potpis direktno u Centru za pružanje usluga građanima pri Gradskoj upravi, čime bi se značajno olakšala komunikacija između građana i institucija, ubrzali administrativni postupci i dodatno unaprijedila digitalizacija javnih usluga.

- Elektronski potpis je jedan od ključnih alata u modernizaciji javne uprave. Naš cilj je da građanima Bihaća omogućimo da na brz, siguran

i jednostavan način ostvaruju svoja prava i obaveze, bez nepotrebnih čekanja i procedura. Vjerujem da ćemo uz podršku IDDEEA-e uskoro biti u prilici napraviti veliki iskorak u digitalizaciji usluga koje pruža Grad, kazao je Sedić.

Usuglašeno je da će Gradska uprava i IDDEEA u narednom periodu usaglasiti tehničke i organizacione detalje kako bi ovaj proces zaživio u praksi, a Bihać bio među prvim gradovima u Bosni i Hercegovini koji građanima nudi ovakvu uslugu.

SAVEZ OPĆINA I GRADOVA BIH ODRŽAO SASTANAK S MINISTROM BUNOZOM

Zbog pravne blokade ugroženo više od 10.000 radnih mjesta



Ministar Davor Bunozom

Na inicijativu Saveza općina i gradova Bosne i Hercegovine održan je sastanak s ministrom pravde BiH Davrom Bunozom na kojem se otvoreno razgovaralo o problemima jedinica lokalne samouprave.

Na sastanku je istaknuto da sve općine i gradovi u BiH, kako u Federaciji BiH tako i u Republici Srpskoj, imaju zajednički problem pravne nesigurnosti u vezi s ra-

spolaganjem državnom imovinom. Ovaj problem sprječava jedinice lokalne samouprave da ponude investitorima odgovarajuće zemljište, što usporava privredni razvoj i onemogućava daljnje unapređenje usluga za građane.

Posebno je naglašeno da je u periodu od 2005. do 2022. godine u Bosni i Hercegovini formirano više od 100 poslovnih zona na državnom zemljištu u okviru općina i gradova, u kojima danas radi

više od 10.000 ljudi. Trenutna pravna nesigurnost dovodi u pitanje njihov opstanak, ali i razvoj zona i zapošljavanje.

Pored toga, realizacija izuzetno važnih projekata infrastrukture kao što su autoputevi, brze ceste, regionalni vodovodi, kanalizacije i slično, ili je u potpunosti obustavljena ili je izuzetno usložnjena.

Također je istaknuto da pravna blokada u širenju gradova dodatno otežava razvoj tržišta nekretnina. Kao poseban problem navedena je nemogućnost planiranog širenja gradskih građevinskih područja na zemljištu koje je definisano kao državno.

Svi nivoi vlasti u Bosni i Hercegovini trebaju se aktivno uključiti u pronalaženje rješenja, u skladu s odlukama Ustavnog suda BiH i pozitivnim propisima, kako bi se osigurala pravna sigurnost, privukle investicije, zaštitila radna mjesta i omogućio održivi razvoj lokalnih zajednica, ističe se u saopćenju Saveza općina i gradova F BiH.

FOND ZA PROFESIONALNU REHABILITACIJU I ZAPOSŁJAVANJE OSOBA S INVALIDITETOM

Predstavljeni javni pozivi vrijedni 16,7 miliona KM

Federalno ministarstvo rada i socijalne politike saopćilo je da je u Sarajevu održana promocija javnih poziva Fonda za profesionalnu rehabilitaciju i zapošljavanje osoba s invaliditetom za zapošljavanje i samozapošljavanje u 2025. godini. Iz Ministarstva navode da su posjetiocima predstavljene mogućnosti koje nude javni pozivi ukupne vrijednosti 16,7 miliona maraka.

- Prvi javni poziv vrijedan je osam miliona maraka i namijenjen je zapošljavanju i samozapošljavanju osoba sa 60 i više posto invaliditeta. Kroz ovaj poziv moguće je osigurati nabavku opreme i sirovina, prilagoditi radno mjesto, finansirati isplatu plata i doprinosa, angažovati asistente, kao i pokrenuti vlastiti biznis ili poljoprivrednu proizvodnju. Drugi javni poziv, u vrijednosti od 8,7 miliona maraka, usmjeren je na očuvanje i otvaranje radnih mjesta te profesionalnu rehabilitaciju. On podrazumijeva nabavku



savremenih mašina, alata i opreme, podršku radu zaštitnih radionica i firmi, obezbjeđivanje specijalnih pomagala za novozaposlene, razvoj postojećih biznisa i poljoprivrede, kao i podršku organizacijama osoba s invaliditetom kroz zapošljavanje i nabavku opreme.

Dodaju da se poseban segment javnih poziva odnosi na obrazovanje i usavršavanje osoba sa 60 i više posto invaliditeta. Kroz ovu podršku moguće je finansirati polaganje vozačkih ispita za sve kategorije, IT kurseve i kurseve stranih jezika, prekvalifikacije i dokvalifikacije, te školarine za

sve cikluse studija.

Promocija javnih poziva održana je u okviru najave inkluzivnog događaja „Svijet mogućnosti“, koji će biti upriličen 3. oktobra u Dvorani Mirza Delibašić u Skenderiji. Organizatori ovog događaja su Federalno ministarstvo rada i socijalne politike i Fond za profesionalnu rehabilitaciju i zapošljavanje osoba s invaliditetom, u partnerstvu s udruženjem Arena.

Detalji i obrasci za prijavu dostupni su na web stranici Fonda za profesionalnu rehabilitaciju i zapošljavanje osoba s invaliditetom.

SASTANAK FEDERALNOG MINISTRA RADA I SOCIJALNE POLITIKE I PREDSTAVNIKA UDRUŽENJA POSLODAVACA F BiH

Zajednički cilj rad na očuvanju ljudskih resursa i unaprjeđenju standarda rada

Razgovaralo se o izmjenama i dopunama Zakona o zapošljavanju stranaca, Prijedlogu zakona o posredovanju u zapošljavanju i socijalnoj sigurnosti nezaposlenih osoba, kao i novom tekstu Zakona o radu

Federalni ministar rada i socijalne politike Adnan Delić sastao se u petak, 19. septembra, s delegacijom Udruženja poslodavaca Federacije BiH.

Razgovaralo se o izmjenama i dopunama Zakona o zapošljavanju stranaca, Prijedlogu zakona o posredovanju u zapošljavanju i socijalnoj sigurnosti nezaposlenih osoba, kao i novom tekstu Zakona o radu.

Ministar Delić i predsjednik Udruženja Nihad Imširović istakli su ovom prilikom da postoji spremnost i zajednički interes da ovi zakoni što prije budu usvojeni i počnu se primjenjivati, jer donose značajna unaprjeđenja za tržište rada.

- Naš cilj je da, zajedno sa socijalnim partnerima, dode-



mo do kvalitetnih i provodivih zakonskih rješenja. To je

najbolji način da unaprjedimo tržište rada i stvorimo

povoljniji poslovni ambijent, a samim tim i bolji životni

standard radnika i građana u cjelini, istakao je ministar

Adnan Delić.

Imširović je naglasio važnost saradnje sa Vladom Federacije BiH i resornim ministarstvom, te kako poslodavci žele biti aktivni socijalni partner u kreiranju zakonskog okvira. Interes poslodavaca je stabilno i urednije tržište rada, jer samo u takvom ambijentu istovremeno mogu jačati kompanije i osiguravati se bolja prava zaposlenima.

Na sastanku je zaključeno da će se u narednom periodu nastaviti intenzivan dijalog između Ministarstva i Udruženja poslodavaca, kako bi se zajedničkim naporima došlo do najboljih rješenja koja će donijeti napredak za tržište rada u Federaciji, saopćeno je iz Federalnog ministarstva rada i socijalne politike.

POTPISAN SPORAZUM O SARADNJI INSPEKCIJSKIH ORGANA U BiH I KONZORCIJUMA "LOGISTIKA BiH"

Ubrzanje prekograničnog protoka roba

Cilj je uspostava jedinstvenih i obvezujućih pravila rada svih inspeksijskih organa u BiH u funkciji ubrzanja protoka robe, smanjenja nepotrebnih zastoja i osiguranja discipline i sinhronizacije u svim carinskim terminalima BiH

Iz Federalne uprave za inspeksijske poslove saopćeno je da je v.d. direktorica ove uprave Ivana Prvulović u petak, 19. septembra, potpisala Sporazum o saradnji i obavezujućoj primjeni mjera pod okriljem Ministarstva vanjske trgovine i ekonomskih odnosa BiH sa Inspektoratom Republike Srpske, Inspekcijom Brčko distrikta BiH, Kancelarije za veterinarstvo BiH i Konzorcijumom „Logistika BiH“. Sporazum je potpisan u prostorijama Ministarstva vanjske trgovine i ekonomskih odnosa BiH.

Cilj Sporazuma je uspostavljanje jedinstvenih i obavezujućih pravila rada svih inspeksijskih organa u BiH u funkciji ubrzanja protoka robe, smanjenja nepotrebnih zastoja i osiguranja disci-



pline i sinhronizacije u svim carinskim terminalima BiH.

- Sinhronizovane procedure i zajednički operativni standardi stvaraju temelje za

inspeksijski sistem koji ne usporava već podržava ekonomski razvoj i konkurentnost domaće privrede i zaštitu potrošača. Ova inicijativa nije samo tehnički zadatak, ona je izraz naše zajedničke odgovornosti prema privrednicima, građanima i međunarodnim partnerima, jer ubrzan protok roba preko granica znači manje troškova, više povjerenja i jaču poziciju Bosne i Hercegovine na regionalnoj i globalnoj mapi trgovine - izjavila je v.d. direktorica Prvulović.

Federalna uprava za inspeksijske poslove ostaje posvećena punoj primjeni dogovorenih mjera, u interesu izgradnje efikasnog, modernog i usklađenog inspeksijskog sistema u Bosni i Hercegovini, saopćeno je iz ove uprave.

VLADA FEDERACIJE BiH U 2025. GODINI


Za razvoj Bosanske Krupe planirano između 1,6 i dva miliona KM

Građani Bosanske Krupe brojnim sadržajima obilježili su 17. septembar, dan koji slave i kao Dan grada. Premijer Federacije BiH Nermin Nikšić u izjavi za medije povodom dodjele priznanja počasnog građanina Bosanske Krupe istakao je da ovo priznanje prima s ponosom i zahvalnošću, posebno jer dolazi na 30. godišnjicu oslobođenja ovog grada.

Istakao je da je Vlada Federacije BiH podržala brojne razvojne projekte u Bosanskoj Krupi i da će tako biti i ubuduće, te dodao i da razvoj lokalne zajednice ne bi bio moguć bez kvalitetnih projekata koje priprema lokalna administracija.

Premijer Nikšić je podsjetio da će i ove godine Federalna vlada izdvojiti između 1,6 i dva miliona KM za projekte u ovom gradu.

Kao prioritetne za Vladu Federacije BiH naglasio je ulaganja u infrastrukturne



projekte, uključujući brzu cestu Bihać - Cazin - Velika Kladuša - granica s Republi-

kom Hrvatskom i put Bihać - Bosanska Krupa, saopćeno je iz Vlade Federacije BiH.

GRADONAČELNIK SEDIĆ U POSJETI BIHAĆKOJ PIVOVARI

Raduje me povratak prepoznatljivih brendova i najava proširenja proizvodnje

Elvedin Sedić, gradonačelnik Bihaća u društvu saradnika Jasmine Čoralić i Anela Kajtezovića posjetio je Bihaćku pivovaru i obišao proizvodne pogone, nakon što je prošle godine Grupacija „Stanić“ preuzela ovu tvornicu. Prema riječima direktora Samira Zahirovića, u Pivovari je trenutno zaposleno 76 ljudi, a u narednom periodu planirana su nova zapošljavanja i unaprjeđenje proizvodnje.

- Naša strategija razvoja predviđa 140 zaposlenih, proširenje proizvodnje, izgradnju novih pogona i modernizaciju proizvodno-tehnološkog segmenta. Posebno smo ponosni jer smo nastavili proizvodnju brendova poput Lipe vode, Limun trave, Premingera i Unskog bisera u prepoznatljivim pakovanjima, a zahvaljujući svim certifikatima o kvaliteti proizvoda i prisutnosti Grupacije „Stanić“ na tržištima, ne sumnjamo



da će naći svoje mjesto među kupcima, kazao je Samir Zahirović, direktor Bihaćke pivovare.

Nekada se na ovim prostorima proizvodio hmelj kao sirovina za pivo i valja razmišljati o poticanju njegove proizvodnje, rečeno je na sastanku.

- Naše podneblje je pogodno za uzgoj ove biljke koja važi za jednu od najunosnijih ratarskih kultura. Vjerujem da će naši poljo-

privrednici prepoznati ovaj potencijal i ideju, te da će Grad i viši nivoi vlasti naći način da ih potaknu, dodao je Zahirović.

- Grad Bihać je definitivno partner firmama poput Bihaćke pivovare koja, osim privredne odnosno proizvodne aktivnosti, ima neprocjenjiv društveni značaj. Osim za pitanja saobraćajne i komunalne infrastrukture, Gradska uprava stoji na raspolaganju Pivo-

vari kako bi nastavila rasti u skladu sa svojim ciljevima. Lijepo je čuti da je u planovima širenje proizvodnih kapaciteta, izgradnja novih pogona, zapošljavanje i plasman proizvoda na tržište BiH i EU. Ovdje se osjeti neka nova energija i nemamo razloga sumnjati da neće biti onako kako je zamišljeno u Grupaciji, riječi su gradonačelnika Sedića, saopćeno je iz Press službe Gradske uprave Bihać.



PETO

GODIŠNJE DOBA

NIHA ^{Džanić} NINSKI

Završna računica

Kad se sve sabere i oduzme, inflacija nam nije samo pojela kruh i ulje, pojela nam je i istinu. Jer u svijetu u kojem država može biti priznata, a genocid nad njenim narodom ne, jasno je da cijene nisu jedine koje skaču u nebo. Skače i licemjerje.

Globalni lideri će i dalje držati govore o ljudskim pravima, miru i solidarnosti, dok drže oči zatvorene pred masakrom koji svi gledamo uživo. A nas će tješiti: „izdržite još malo, tržište će se stabilizirati“. Stabilizirat će se, da, kad na tržnici ostane samo zrak. Na kraju, jedina stvar koja ovdje ne poskupljuje je ljudski život. On je u Gazi besplatan. Jer se dijeli šakom i kapom, zatrpan pod ruševinama. A na Zapadu, jedina stvar koja ne košta ništa je šutnja. Tako smo stigli do apsurd: kruh je postao luksuz, a laž svakodnevna valuta. I sve dok se narod može nahraniti parolama, oni koji odlučuju neće imati razloga da promijene jelo-vnik. Jer šta drugo ostaje osim da stvari nazovemo onim što jesu? Nije to više diplomacija, to je trgovina krvlju. Nije to „teška situacija“, to je genocid koji traje pred očima svijeta. Nije to „inflacija cijena“, to je otimačina gdje narod plaća i tuđe grijehe. Pogledajte samo lice licemjerja: u Briselu se ozbiljno raspravlja kako priznati palestinsku državu, dok se istovremeno nastavlja izvoz oružja u Izrael. Priznanje ide na papir, bombe na djecu. Čist bilans. I još se pitaju zašto narod više ne vjeruje u njihove vrijednosti. Amerika u svemu tome nastupa kao glavni knjigovođa. S jedne strane potpisuje čekove za bombe, s druge strane šalje

humanitarnu pomoć. Kao da najprije zapališ kuću, a onda ponosno doneseš kantu vode da pokažeš humanost. Taj cinizam je toliko debeo da ga možeš rezati nožem, ako si ga prethodno platio na crno. A narod? On je sveden na statistiku. Kad se kaže „više od 40.000 mrtvih“, to se u vijestima pročita s istim tonom kao „više od 40.000 ljudi na koncertu“. Samo što na koncertu barem svjetla gore, a u Gazi je ostao samo mrak. I tu je najveći zločin, što se život tretira kao roba s iste police na kojoj stoji i brašno. Ako poskupi, neće ga svako moći priuštiti. Ako se potroši, donijet će ga netko izvana, ali lošije kvalitete. U međuvremenu, elite raspravljaju o svojim prioritetima: cijene energenata, geopolitičke ravnoteže, rejting ankete. Nikoga od njih ne zanima koliko košta tišina majke nad mrtvim djetetom. Zato kažem: inflacija je univerzalna metafora današnjeg svijeta. Poskupjela je hrana, poskupio je benzin, poskupio je i osjećaj pravde. Samo laž ostaje besplatna i svima dostupna. Laž se dijeli kao promotivni letak pred izbore. I dok običan čovjek sabira račune, veliki sabiraju živote. Nema tu razlike. Kod nas će ti reći da krompir košta tri marke jer je globalna kriza. Tamo će ti reći da narod gine jer je „složen konflikt“. I jedno i drugo su laži koje služe da sakriju najobičniju istinu: sve je dozvoljeno, dokle god narod šuti i plaća. A mi? Mi šutimo, psujemo u bradu i nekako guramo dalje. Ali ne zaboravimo, kad istina poskupi do te mjere da više niko nema hrabrosti da je kupi, tada smo izgubili i zadnje što smo imali: dostojanstvo.

GRADONAČELNIK BIHAĆA UČESTVOVAO NA KONFERENCIJI U EUROPSKOM PARLAMENTU

Krizama se mora strateški i preventivno upravljati



U Europskom parlamentu održana je konferencija posvećena izazovima lokalnih zajednica u procesu migracija, na kojoj je učestvovao i gradonačelnik Elvedin Sedić. U okviru panela, zajedno s kolegama iz Amsterdama i Bolonje, govorio je o iskustvima tokom mi-

grantske krize koja je Bihać posebno pogodila.

Gradonačelnik je tom prilikom istakao da se na krize ne može reagovati tek kada nastupe, već da se njima mora strateški i preventivno upravljati, što su, pri razmjeni iskustava, potvrdili i stavovi ostalih učesni-

ka panela.

- Iako smo se trudili biti humani, prije nekoliko godina smo jasno pokazali da jedna mala lokalna zajednica ne može sama nositi teret globalnog izazova koji zahtijeva državnu i međunarodnu koordinaciju. Nažalost, u Bosni i Hercego-

vini još uvijek ne postoji jasna i primjenjiva strategija upravljanja migracijama. Danas se, iako u manjem obimu, teret ponovo svodi na Bihać i nekoliko drugih lokalnih zajednica, kazao je gradonačelnik Sedić.

Dodao je da migrantska kriza nije problem samo

Bihaća, već pitanje koje se mora tretirati na državnom nivou.

- Teret moraju podjednako preuzeti sve lokalne zajednice u BiH. Samo na taj način možemo osigurati

da država bude spremna odgovoriti na slične izazove i scenarije, kojih, iskreno se nadam, više neće biti, zaključio je Sedić.

Izvor: Press služba Gradska uprava Bihać

NACIONALNI PARK „UNA” BIHAĆ: ZAHVALNICE SPONZORIMA I POKROVITELJIMA ZA PODRŠKU U ORGANIZACIJI 51. UNA REGATE



Una regata je naš najveći turistički brend koji moramo sačuvati i razvijati

U prostorijama JP Nacionalni park „Una” u Bihaću je u petak, 19. septembra organizirana svečanost na kojoj su dodijeljene zahvalnice sponzorima i logistici, koji su svojim angažmanom doprinijeli uspješnoj a prije svega bezbjednoj realizaciji 51. Internacionalne turističke Una regate.

Svečanom prijemu su prisustvovali i čelni ljudi Unsko-sanskog kantona, Nijaz Hušić, premijer i Armin Kardašević, ministar privrede u Vladi USK, Elvedin Sedić, gradonačelnik Bihaća i brojni drugi uzvanici. Zbog ranijih obaveza prijemu nisu prisustvovali gradonačelnici Cazina i Bosanske Krupe, gradova koji su ove godine bili velika podrška organizaciji Una regate.

Sve pohvale organizatoru

Kako je istaknuto ovom prilikom 51. Internacionalnu turističku Una regatu ne bi bilo moguće ovako uspješno realizirati bez podrške institucija, poduzeća, udruženja i fizičkih lica, koji su svako u svojoj zoni djelovanja, učestvovali u pripremi ovog najznačajnijeg turističkog brenda, ne samo Grada Bihaća, već cijelog Unsko-sanskog kantona, događaja po kojem je ovaj dio Bosne i Hercegovine prepoznatljiv u regionu i šire, koji svake godine bilježi sve veći broj

učesnika, ali i posjetilaca koji sa kopna uživaju u sadržajima na vodi i onim popratnim.

Dodjela zahvalnica sponzorima za uspješan završetak još jedne Una regate bila je prilika za zahvalu svima koji su svojim radom, podrškom i povjerenjem doprinijeli realizaciji 51. IT Una regate ali i namjera uposlenika kolektiva, na čelu sa direktorom Alenom Zulićem, da ih ugosti u novim prostorijama Nacionalnog parka „Una”, čime je simbolično obilježeno novo poglavlje u radu i poslovanju ovog poduzeća.

Prije same dodjele zahvalnica prikazan je kratki video zapis u aranžmanu Ervina Duratovića Erke, kojim



je vjerno zabilježeno sve ono najatraktivnije što se odvijalo na vodi, obalama, turističkom vozu, koji je ove godine bio novina i nešto što bi trebalo postati sastavni dio ponude Una regate narednih godina.

- Uistinu smo se trudili od samog početka da kvalitet 50. jubilarne Una regate, koja je po mnogima bila jedna od najbolje organiziranih, na neki način premašimo i 51. IT Una regatu učinimo još boljom. Razmišljali smo koji su to programski sadržaji koji će inicirati interes, ne samo nas domaćih, već i svih onih koji dolaze u naš grad kako bi bili dio ovog događaja. Ovakav projekat definitivno, ne samo da diže cijenu turističkoj

promociji Grada Bihaća i cijelog Unsko-sanskog kantona, već je to projekt koji ima utjecaj na ukupnu sliku ovdašnjih privrednih i ekonomskih tokova, tako da smo uistinu imali veoma zahtjevan zadatak. Mislim da smo ga ispunili u najvećoj mjeri i to upravo zahvaljujući vama koji ste podržali ovaj događaj. Bez vas to prosto ne bi bilo moguće. Ovo je projekt koji je na neki način privredna poveznica gradova Bihaća, Cazina i Bosanske Krupe. Ove godine smo vratili grad Cazin u organizaciju Una regate iz koje je bio izuzet nekoliko godina, ne znam koji su bili razlozi ali mi je drago da smo to učinili. U razgovoru sa Gradskom upravom Cazina izražena je želja i interes da budu dio ovog projekta i to smo ispoštovali. Una regata nije samo bihaćka, ona je i cazinska i krupska, i treba da ovoj manifestaciji zajednički damo značaj i radimo na tome da svaka naredna bude uspješnija. Razmišljali smo i o tome šta je to što bi moglo uključiti i druge dijelove unskog toka, kada je Una regata u pitanju. Obzirom da smo prošle godine vodili bitku na vrelu Une gdje je krenulo njeno skrnavljenje i pokušaj da se na izvoru ove krajiške ljepotice gradi mini hidroelektrana. Te smo namjere zajedno sa prijateljima iz susjedne R Hrvatske zaustavili na način da su svi



takvi projekti iz prostorno-planske dokumentacije Zadrarske županije izbačeni. Stoga smo ove godine odlučili da Una regata krene dan ranije iz Suvaje, mjesta gdje se „vodila bitka” za spas rijeke Une, kao svojevrsan vid zahvale za sve što su mještani tog naselja i građani cijele R Hrvatske učinili kako bi spriječili realizaciju projekta koji bi trajno narušio tok Une i sve ono što ona danas, nama koji živimo na njenim obalama, znači, istakao je Zulić.

Turistički voz atrakcija ovogodišnje Una regate

Ove godine novina i posebna atrakcija je bio turistički voz, koju je Nacionalni park „Una” realizirao u suradnji sa Željeznicama F BiH. Bila je to jako interesantna priča koja je uz određene poteškoće imala sretan kraj.

- Koristim priliku da pozdravim sve prisutne i čestitam ekipi koja je uradila sve da ovogodišnja Una regata bude tako uspješna. Mislim da su sami sebi postavili letvicu dosta visoko i nadam se da će nas, u što apsolutno



- Una regata je centralni događaj u cjelogodišnjem turističkom kalendaru na prostoru Unsko-sanskog kantona, događaj koji privuče veliki broj turista, veliki broj gostiju iz cijele BiH, ali i regiona, rečeno je ovom prilikom

ne sumnjam, prijatno iznenaditi i iduće godine na 52. IT Una regati. Naravno da svi mi zajedno treba da damo svoj doprinos da naredna Una reagata bude još bolja od ovogodišnje. O značaju Una regate ne treba puno govoriti, ne samo sa

aspekta turizma i dolaska ljudi sa strane i naših građana koji žive i rade u inozemstvu, nego i sa aspekta ekologije i svega onog što je bilo u nekim pričama prije i poslije regate. Vidjeli smo svi koliko nam Una znači kao resurs, ne samo u Biha-

ću nego i u Krupi i Czinu, usudio bih se reći i cijelom kantonu, tako da svima nama treba biti prioritet da damo maksimalan doprinos da sačuvamo ovu prirodnu ljepotu, našu rijeku Unu, naglasio je Sedić.

Velika podrška organiza-

ciji Una regate stigla je i od Ministarstva privrede Unsko-sanskog kantona na čelu sa Arminom Kardaševićem, koji je naglasio da je Una regata centralni događaj kada je riječ o cjelogodišnjem turističkom kalendaru na prostoru Unsko-sanskog kantona, događaju koji privuče veliki broj turista, veliki broj gostiju iz cijele Bosne i Hercegovine ali i regije.

- Mogli smo u više navrata čuti i ja se s tim apsolutno slažem, da su organizatori sami sebi postavili zaista visoke standarde i kriterije a isto tako, sa ove vremenske distance, sa sigurnošću se može konstatovati da su oni ove godine nadmašili ono što su uradili na prethodnoj jubilarnoj 50. Una regati. Meni je bilo zadovoljstvo podržati Una regatu i na svaki način uzeti učešće od prvog dana na izvoru rijeke Une u Suvaji, pa sve do posljednjeg dana u Bosanskoj Krupi. Smatram da Una regata, kao jedan centralni događaj definitivno doprinosi širenju turističke ponude na kojoj treba još raditi. Prostora za to ima i svakako da ćemo biti podrška tome, naglasio je Kardašević.

Nesebičan doprinos organizaciji 51. Una regate dala je Vlada Unsko-sanskog kantona i ne samo u finansijskom smislu.

- Za mene Una regata jeste jedan od najvažnijih turističkih brendova u Unsko-sanskom kantonu i mislim na Vladu Unsko-sanskog kantona, uvijek tu da to prodržimo i damo šansu, bilo da se radi o finansijskoj podršci, moralnoj i u svakom drugom smislu. I ne samo kada je ova manifestacija u pitanju već i svaki drugi projekt koji ima potencijal i čija realizacija je za dobrobit ekonomskog razvoja i promocije Unsko-sanskog kantona. Nacionalni park „Una” je iskoristio tu šansu. Vlada Unsko-sanskog kantona nije i neće nikada odbiti niti jedan zahtjev koji dođe vezano za organizaciju Una regate jer je ova manifestacija u cijelosti opravdala očekivanja. To je naša obaveza, osjećamo potrebu i želimo promovirati ljepote ovog kantona, a Una regata je upravo naš najveći turistički brend koji moramo sačuvati i razvijati, naglasio je Hušić.

N.Piralić

MINISTAR HRNJIĆ S PREDSTAVNICIMA SAVEZA ZADRUGA U F BiH

Podrška obilježavanju Godine zadrugarstva

Federalni ministar poljoprivrede, vodoprivrede i šumarstva Kemal Hrnjić sastao se s predstavnicima Saveza zadruga u Federaciji BiH, a glavna tema sastanka bila je obilježavanje Godine zadrugarstva, koju je proglasila i Organizacija Ujedinjenih nacija (UN).

Iz Federalnog ministarstva poljoprivrede, vodoprivrede i šumarstva saopćeno je da je tokom sastanka istaknuto kako su upravo Ujedinjene nacije prepoznale zadruge kao ključne aktere u rješavanju globalnih izazova i postizanju Ciljeva održivog razvoja, što je i potvrđeno temom 2025. godine „Zadruge grade bolji svijet“.

Predstavnici Saveza informisali su ministra Hrnjića o planiranim i poduzetim aktivnostima koje uključuje i organizaciju sajma zadrugarstva, naglašavajući njegovu važnost za razvoj lokalnih zajednica, jačanje poljoprivrednog sektora i unaprjeđenje ekonomskog položaja malih proizvođača.

Ministar Hrnjić izrazio je punu podršku inicijativi Sa-



veza i istakao da Ministarstvo prepoznaje važnost zadrugnog organizovanja kao jednog od ključnih mehanizama za održivi razvoj i ravnomjeran ekonomski rast u ruralnim područjima, te prepoznaje ovaj savez kao jednog od temeljnih partnera u realizaciji ciljeva vezanih za poljoprivredu i poljoprivrednu proizvodnju.

- Zadruge su temelj zajedničkog djelovanja, solidarnosti i razvoja lokalne ekonomije. Podržavamo aktivnosti koje će doprinijeti jačanju zadrugnog sektora u Federaciji BiH, poručio je ministar Hrnjić.

Na sastanku je razgova-

rano i o aktuelnim projektima i izazovima s kojima se Savez suočava, a dogovorena je i intenzivnija saradnja u narednom periodu s ciljem osnaživanja zadrugnog sektora i stvaranja boljih uslova za njegov rad.

Sastanku su prisustvovali predsjednik Saveza Senad Čerimović, predsjednik Upravnog odbora Damir Radić, članica Upravnog odbora Jelena Bartolović, te konsultant iz Republike Hrvatske Nebojša Jerković.

Ovom prilikom istaknuto je opredjeljenje da se u narednom periodu nastavi s intenzivnim razgovorima o specifičnim temama veza-

nim za sektor zadrugarstva s ciljem njegovog unaprjeđenja.

Predstavnici Saveza zadruga u Federaciji BiH zahvalili su ministru Hrnjiću na izdvojenom vremenu, otvorenoj komunikaciji i kontinuiranoj podršci koju resorno federalno ministarstvo pruža razvoju zadrugnog sektora u Federaciji BiH, kroz različite vidove podrške predviđenih usvojenom Strategijom razvoja poljoprivrede i ruralnog razvoja, kao i različitim modelima za dodjelu novčanih podrški, saopćeno je iz Federalnog ministarstva poljoprivrede, vodoprivrede i šumarstva.

MREŽA INVALIDSKIH UDRUŽENJA CAZIN TRAŽE SNAŽNIJU PODRŠKU IZ BUDŽETA GRADA CAZINA

„Budite naša snaga“

Mreža invalidskih udruženja Cazin koja okuplja udruženja osoba s invaliditetom s područja grada Cazina: Udruženje distrofičara Cazin, Udruženje paraplegičara Cazin, Udruženje roditelja djece i mladih s poteškoćama u razvoju „Naša djeca su djeca grada Cazina“ i Udruženje oboljelih od malignih oboljenja (UOMO) Cazin nakon održane press konferencije, u Gradskoj upravi Cazin predala je zajedničku inicijativu za poboljšanje finansiranja invalidskih udruženja iz budžeta Grada.

Inicijativa je predana simbolično u sedmici kada se obilježava Međunarodni dan demokratije. Ovom inicijativom udruženja traže stabilniji i pravedniji sistem finansiranja koji će omogućiti kontinuitet u radu, bolju podršku korisnicima i razvoj vaninstitucionalnih usluga neophodnih osobama s invaliditetom i njihovim porodicama.

Predstavnici udruženja

naglašavaju da osobe s invaliditetom i njihove porodice u Czinu trebaju imati siguran oslonac u svom gradu, te da je ulaganje u udruženja ulaganje u ljude, zajedništvo i socijalnu pravdu.

- Naša inicijativa je apel da nas grad prepozna kao partnere i da zajednički gradimo sistem koji nikoga ne ostavlja po strani, istaknuto je u zajedničkoj poruci.

Udruženja očekuju razumijevanje i jaču podršku Gradskog vijeća i gradonačelnika, te pozivaju javnost da stane uz kampanju „Budite naša snaga“, jer jedino zajedno možemo izgraditi društvo jednakih mogućnosti.

Ova kampanja je dio projekta PRAGG koji financira Vlada Švicarske, a provodi ga konzorcij koji čine HELVETAS i NIRAS, u partnerstvu sa lokalnim partnerima Centri civilnih inicijativa (CCI) i Institut za razvoj mladih KULT, ističe se u saopćenju Mreže invalidskih udruženja Grada Cazina.

ORAŠAC

U Duljcima obilježena 33. godišnjica zločina nad Bošnjacima Ljutočke doline

U zaseoku Duljci u Orašcu obilježena je 33. godišnjica pokolja nad Bošnjacima Ljutočke doline u jesen '92. godine. Članovi porodica žrtava, mještana, te predstavnici Grada Bihaća i Vlade Unsko-sanskog kantona, položili su cvijeće i odali počast kod spomen-ploče žrtvama.

Ratni komandant Huse Behrem podsjetio je na okolnosti koje su prethodile zločinu.

- To su bili starci, mahom invalidi koji nikome nisu predstavljali prijetnju. Iako su to znali, naše komšije su išli od kuće do kuće i ubijali nedužne ljude, stigli do voćnjaka u kojem su radili mje-



štani s naloženom radnom obavezom. I njih su pobili, a onda su 31 tijelo zapalili, što

daje dodatnu dimenziju okrutnosti ovom zločinu. O ovom i drugim zločinima mi ne

možemo ništa novo reći, jer se sve zna na osnovu iskaza svjedoka. Mi možemo samo

da podsjećamo na zločin, učimo naše mlade o njima i tragamo za istinom o našim

nestalim, rekao je Behrem.

Zločin su počinili pripadnici policije i Vojske RS, a najmlađa žrtva bila je trinaestogodišnja Aldina Vojić. Ovo je jedan od rijetkih zločina za koje su zločinci privedeni i procesuirani.

- Drago mi je što na ovom mjestu vidim mlade, našu djecu koje učimo historiji. Dok njih imamo na ovim godišnjicama, možemo biti sigurni da smo na pravom putu čuvanja od zaborava svih naših žrtava, rekao je u svome obraćanju prisutnima Edin Goretić, predsjedavajući Gradskoga vijeća Bihać.

Izvor: Press služba Gradske uprave Bihać

GRAD BIHAĆ

Među četiri budžetski najtransparentnije lokalne zajednice u BiH



U sklopu projekta 'LENS – Jačanje kapaciteta organizacija civilnog društva za monitoring javnih budžeta', koji provodi Centar za istraživačko novinarstvo u saradnji sa partnerskim organizacijama i finansira Evropska unija, u Banjoj Luci je održan okrugli sto o temi „Koliko su otvoreni lokalni budžeti u Bosni i Hercegovini i kako ih učiniti transparentnijim?“.

Od 143 jedinice lokalne samouprave, Grad Bihać je na visokom četvrtom mjestu po budžetskoj transparentnosti, pokazalo je istraživanje CIN-a. Jasmina Čoralić, pomoćnica bihaćkog gradonačelnika za finansije i pri-

vredu, prezentirala je način kreiranja, predlaganja i usvajanja budžeta, te njegovo izlaganje u javnosti i mogućnost svakodnevnog uvida u kretanje javnog novca.

- Svi ključni budžetski dokumenti bivaju pravovremeno objavljeni na službenim stranicama Grada, a građani su individualno te kroz rad mjesnih zajednica i nevladinog sektora uključeni u praćenje i nadzor nad budžetom. Naši izvještaji su vrlo detaljni i razumljivi što smanjuje prostor za nejasnoće i potencijalne nepravilnosti u trošenju sredstava, a u slučaju da ih uočimo promptno reagiramo tako što provedemo istragu i primi-

jenimo sankcije. Tako stvaramo nultu toleranciju na korupciju, kazala je Čoralić i dodala da je samo na ovakav način moguće pametno koristiti javni novac usmjeravajući ga na najprioritetnije projekte, istovremeno animirajući zajednicu na suradnju što u konačnici dovodi do većeg povjerenja investitora u lokalnu zajednicu.

CIN ovim projektom želi doprinijeti borbi protiv korupcije kroz podizanje nivoa praćenja budžetske potrošnje i korištenja javnih sredstava na lokalnom nivou, uz aktivno učešće civilnog društva, saopćeno je iz Press službe Gradske uprave Bihać.

U BUŽIMU POTPISANI UGOVORI



Izgradnja objekata Dječijeg vrtića i školske sportske sale

U Bužimu je potpisan ugovor o izvođenju radova na drugoj fazi izgradnje objekta JU „Dječiji vrtić“. Ovo je jedan od najznačajnijih projekata za Općinu Bužim usmjeren na osiguranje predškolskog obrazovanja za najmlađe Bužimljane.

Ugovor vrijedan 199.452,24 KM potpisali su načelnik Općine Bužim Mersudin Nanić i, u ime izvođača radova - firme „Velić kop“ d.o.o., direktor Amel Velić.

Za prethodnu, prvu fazu radova na izgradnji objekta vrtića je osigurano 874.463,73 KM.

Potpisivanju ugovora prisustvovali su: predsjedavajući Skupštine Unsko-sanskog kantona Zikrija Duraković, ministar obrazovanja, nauke, kulture i sporta u Vladi USK Denis Osmanović, zastupnik u Skupštini Unsko-sanskog kantona Abid Mulalić, predsjedavajući Općinskog vijeća Bužim Suvad Veladžić, dopredsjedavajući Nermin Porić te vijećnici Općinskog vijeća.

Ministar obrazovanja, nauke, kulture i sporta Denis Osmankić istakao je da je Vlada Unsko-sanskog kantona, u procesu planiranja ovogodišnjeg budžeta, odlu-

čila povećati ulaganja u oblast obrazovanja i uvesti program grantova za projekte izgradnje i dogradnje objekata dječijih vrtića. Svjesni značaja predškolskog odgoja ove godine osigurali su iznos od 700.000 za ovaj program.

U Bužimu je upriličeno i potpisivanje ugovora o izvođenju radova na izgradnji objekta školske sportske sale u Varoškoj Rijeci (III faza), u vrijednosti od 93.465,45 KM.

Ugovor su potpisali direktorica OŠ Bužim, Zirelda Mulalić, i direktor firme „Velić kop“ d.o.o., izvođač radova, Amel Velić, saop-



RONILAČKI KLUB "NEPTUN" PONOVO NA DNU UNE

Izronili smeće, podigli svijest

- Rijeka Una nije samo rijeka. To je simbol Bihaća, srce Krajine, mjesto sjećanja i odrastanja. Ona hrani, osvježava i liječi, ali samo dok je čista. Zato članovi Neptuna poručuju da se u narednim akcijama nadaju podršci institucija, škola, udruženja i samog grada. Jer tek kad svi zajedno zaronimo u ovaj problem, možemo ga riješiti.

Na obali Une, subotnje jutro je mirisalo na vlagu i mulj, a površina rijeke blistala je pod suncem kao da skriva svoju bol. Ali samo na prvi pogled. U tišini se moglo čuti ritmično zaranjanje i izranjanje ronilaca Ronilačkog kluba "Neptun", koji su odlučili da se još jednom suoče s onim što već godinama nagrđuje ovu rijeku.

Akcija, druga po redu i organizirana u saradnji s JKP Komrad Bihać, odvijala se od kupališta "Beton" do SRC "Stens". Iako ih je bilo manje nego prvi put, ronionci su, s maskama i bocama na leđima, djelovali kao vojska u borbi protiv nevidljivog neprijatelja, otpada. Najviše je bilo stakla. Krhotine skrivene u pijesku, boce zakopane u mulju, komadi prozirni poput same vode, ali smrtonosno opasni za kupaće i ribu.

Una diše lakše

Kad bi jedan od njih izronio, čuo bi se zveket stakla u mreži ili udarac stare flaše o metalni čamac. Povremeno bi se, s puno napora, iz vode pojavila i neka groteskna slika, wc šolja, zahrđali vodokotlić, u vodi natopljen etison.

- Pogledajte ovo, kao da vadimo dijelove stana, a ne čistimo rijeku, dobacivao bi Ervin Kasupović, pre-



dsjednik Ronilačkog kluba "Neptun" dok su prolaznici s obale samo u nevjerici odmahivali glavom.

Ali ovo nije samo čišćenje. Ovo je škola. Klub je cijelo ljeto radio punom parom, istraživao rijeku, obučavao nove ronioce, učio ih kako da sačuvaju prirodu. Mladi entuzijasti sada rone rame uz rame s iskusnima, s jednakim žarom i vjerom da se svijet može popraviti, barem počevši od dna Une.

- Ljudi često zaborave da ekologija nije luksuz, nego pitanje opstanka. Ako izgubimo Unu, izgubili smo dio sebe, rekao je jedan od instruktora, brišući kapljice s lica dok je vadio mrežu punu razbijenih flaša.

Mjesto sjećanja i odrastanja

Rijeka Una nije samo rijeka. To je simbol Bihaća, srce Krajine, mjesto sjećanja i odrastanja. Ona hrani, osvježava i liječi, ali samo dok je čista. Zato članovi Neptuna poručuju da se u narednim akcijama nadaju podršci institucija, škola, udruženja i samog grada. Jer tek kad svi zajedno zaronimo u ovaj problem, možemo ga riješiti.

Na kraju dana, uz obalu su se slagale hrpe otpada, tužni trofeji jednog velikog posla. A Una je, makar za trenutak, disala lakše.

N. Džanić



Bihać ima dugu i bogatu tradiciju borilačkih sportova, a karate je među njima ostavio poseban trag. Prezime Muslić se već decenijama veže za ovaj sport, od prvih dana kada je Nijaz kao dječak obukao kimono i ostao vjeran karateu cijeli život, do njegovog sina Edina, koji je kroz medalje, putovanja i trenerski rad nastavio očevim stopama. Obojica su ispisala stranice sportske historije Bihaća, ostavljajući iza sebe generacije učenika, rezultate i prije svega vrijednosti koje karate nosi, disciplinu, poštovanje i čast. U feljtonu Bihačke urbane legende, donosimo priču o ocu i sinu, bihaćkim karatistima, senseima i učiteljima života mnogih generacija ovog grada.

KRAJINA: Nijo, dugo si u samom vrhu sporta u Bihaću, kada si se ti počeo zanimati konkretno za karate?

Nijaz: Oduvijek sam volio sport, od osnovne škole kroz stolni tenis, mali nogomet, a onda sam u Borčićima gledao našeg velikog sportistu rahmetli Šefketa Nakića kako sa grupom Biščana trenira karate. Nakić je, to svi znamo, karate iz Zagreba i “donio” u Bihać. Tog momenta, ja sam se “zaljubio” u karate, vidio sam ta bijela kimona, tu disciplinu u pogledima, stav, čvrstoću, i čim je Šefket formirao prvi klub, ja sam se u njega učlanio. Bilo je to u 15. septembra 1971. godine u dvorani “Partizan”, sadašnjoj sportskoj sali Medicinske škole. Počeo sam uporno trenirati i veoma brzo sam napredovao, valjda sam imao talenat za borilačke sportove, pa sam ostao uz Šefku kao asistent nakon što su starije kolege napuštale treninge, svako iz svojih razloga. Mi smo tada trenirali u dvorani “Partizan”, kao sekcija zagrebačkog “Tempa”, tu smo polagali i za pojaseve, dolazili bi u Bihać iz Zagreba priznati treneri karate. Ubrzo, Šefko dobija poziv za vojsku kada su mu otkrili nažalost i sračnu manu, zbog čega više nije smio trenirati, pa se zbog toga i povlači. Tada on meni i Geri poverava da vodimo klub, pa smo mi već 1973. godine bili treneri. Ja sam tada bio maloljetan, a Gero nešto stariji od mene, ali dovoljno zreli, sposobni i odlučni da opravdamo poverenje, jer smo i mi doslovce “izgarali” od snage i želje da se ne samo bavimo karateomn, nego da napredujemo i podučavamo druge. Tako smo i krenuli, nazivi klubova su se mijenjali, poslije “Tempa”, nastaje “Kombiteks”, pa kasnije dobija naziv “Bihać” i trenirali smo do 1974. godine u “Partizanu”, kada se formira još jedan Karate klub “Geroj” (Radoje Ljubičić Geroj) koji je imao svoju dvoranu za treninge u tadašnjem Domu pilota. A onda dolazi i do spajanja dva kluba u jedan, trenirali smo u tom sastavu oko dvije godine, u međuvremenu i ja sam položio za smeđi pojas, a onda se Šefko vraća u Bihać i formira klub “Mladost” koji je trenirao u dvorani Gimnazije. Naravno, i ja se vraćam svom treneru, radim kao trener u tom

klubu sve do formiranja KK “Polietilenka”, to preduzeće nam je bilo i pokrovitelj. Bili smo u to vrijeme i jedan od klubova koji je formirao Karate savez Bosne i Hercegovine, 1972. godine u Sarajevu. Ja sam tada kao maloljetan sa jednim našim trenerom na toj Oosnivačkoj Skupštini bio delegat, a rezultati su u to vrijeme bilo malo drugačiji. Moram reći da su i treninzi bili drugačiji nego sada, radili smo u kimonima, sa “golim rukama” bez zaštite, pa smo se tako i takmičili. Imali smo i Ligu u okviru koje smo se takmičili, bile su to borbe na parketu, na betonu, bilo je takvo vrijeme pa smo se tako i borili. Tad je karate bio “nehuman”, ako govorim o uvjetima, zimi nismo smjeli oblačiti ništa ispod kimona, bos, trenirali smo više u hladnim nego u hladnim dvoranama. Sjećama se da je u dvorani “Partizan” domar bio Haro, bila je neka uljna peć u ćošku, kada je upali, slobodno smo noge mogli držati na njoj, a da se ne ugrijemo, međutim, ljubav prema sportu, taj entuzijazam kojeg smo svi posjedovali bio je jači i zato nismo odustajali. Kako je karate kao sport u to vrijeme bio nešto novo u Bihaću, bilo je i logično da se mnogo ljudi uključivali, pa su neki odustajali, ostali su oni koji su zaista zavoljeli taj sport.

KRAJINA: Tvoj put je impresivan, od maloljetnika do sada “prvog trenera” u klubu, iza tebe su generacije uspješnih karatista, sjajni rezultati i još uvijek si aktivan?

Nijaz: Ja sam do rata stekao zvanje “Drugi DAN”, a od treniranja nisam odustajao ni u ratu, kada zajedno sa Nerminom Babićem uključujemo jednu novu generaciju djece među kojima je i Edin, pa braća Kurtagić i još mnoog njih koji su tim ratnim uvjetima, željeli trenirati baš karate. Nakon rata jedno vrijeme nastavljamo raditi u okviru KK “Polietilenka”, sve dok se i ona nije rasformirala, nakon čega nastaje KK “Bihać”, oformljen od dva kluba. Tada smo i počeli ostvarivati prave rezultate, a karate je dobio formu pravog sporta, počinjemo koristiti zaštitnu opremu, nastupamo na mnogo trunira, treniralo se i do šest puta sedmično, jedino smo nedjeljom “odmarali”. Formirali smo ekipu koja je bila jedna od najboljih u Bosni i Hercegovini, a i mi smo kao treneri stjecali nova zvanja. Nakon Drugog, ja polažem za Treći, pa Četvrti, Peti DAN.

KRAJINA: Koliko u karateu ima DAN-a i do kojeg si ti sada stigao?

Nijaz: Sada sam Osmi Dan, koji se dobija za zasluge u karateu. Ima ih ukupno deset. Moj rad u Savezu, ali i Klubu postaje vrlo ozbiljan. Bio sam član Upravnog odbora KS BiH, član takmičarske komisije BiH, sve trunire u BiH sam organizirao, radio na tome i doveo do toga da se uvedu mnoge novosti u takmičarski segment, a nakon toga sam preuzeo da vodim Komisiju za zvanje, odnosno Komisiju koja

Nijaz i Edin Muslić

BIHAĆKE

URBAN



Otac i sin, sensei

dodjeljuje pojaseve, mada mi to zovemo “zvanje”. Poslije rata smo imali veoma dobre rezultate i sve je to plod rada i entuzijazma naše djece koja su tada bila u klubu. U jednom periodu smo bili klub sa najviše seniora u BiH. Imali smo ekipu pa da nismo mogli u jednoj dvorani trenirati koliko je bilo te omladine, pa smo se snalazili na razne načine da održimo treninge. Želim ti reći da je u tadašnjem sazivu reprezentacije BiH oko 50 posto djece bilo iz Bihaća, često smo pripreme reprezentacije imali upravo ovdje, pa čak i zadnje, a prvo Državno prvenstvo BiH se održalo u martu 1996. godine. Tada sam u Sarajevo stigao preko Ilidže, odnosno još u decembru kada smo imali dogovore oko održavanja prvenstva. Tada se u Sarajevo stizalo preko Kupresa, a to državno prvenstvo je otvorio lično general Atif Dudaković. Od tada krećemo dalje, pa je naš prvi reprezentativac bio Bajro Durdžić koji nas je predstavljao u Sun City u Južnoj Africi. Voda puta tada je bio Dino Čoralić, također Biščanin, a poslije toga je započela ekspanzija naših seniora, koji su bili među najboljima. Naši su rezultati bili sjajni, a na svim tadašnjim državnim prvenstvima bilo smo među prva dva kluba u

BiH, u seniorskoj kategoriji. Bili smo u Mostaru na prvenstvu i od deset zlatnih medalja osvojili šest u seniorskoj kategoriji, sve je to bio KK “Bihać”, šest prvaka na jednom takmičenju. Tada je čak i Edin prije trakmičenja skinuo longetu sa noge, osvojio prvo mjesto i vratio ponovno longetu na nogu. Takvi smo bili, bilo je to vrijeme kada je entuzijazam bio presudan faktor, kada se nije gledalo na uvjete, bilo je važno dati sve od sebe za uspjeh kako pojedinačni, tako i klupski. To je bio takav put na kojem smo stasavali, izgrađivali se, dovodili nove generacije, sve dok se nije desilo ono što je zahvatilo cijelo društvo.

KRAJINA: Ne bih da pogađam, iako slutim odgovor, ali šta nam se to desilo?

Nijaz: Između ostalog, desilo nam se i da zbog raznih okolnosti, nemamo više seniora, polako nam ljudi odlaze. Meni se prijatelji namijuju kada kažem da me sve “presiječe” kada neko upiše Medicinsku školu, jer kažem da će ta mlada osoba u svojoj 19-oj godini zasigurno biti negdje izvan BiH. Tako, i mi sada treniramo najviše sa djecom, kadetima i juniorima, seniora gotovo nema i to nije slučaj

samo u Bihaću, nego u cijelom Unsko-sanskom kantonu.

KRAJINA: U karijeri trenera si imao mnogo uspješnih karatista iz KK “Bihać”?

Nijaz: Vidi, Edo je bio četiri puta najuspješniji sportaš USK-a, pet puta sportaš Grada Bihaća, a svaki drugi put jer to bio neko drugi od mojih takmičara. Bilo ih je mnogo, ponosan sam na sve njih, jedan od njih je i rahmetli Ferhat Đulkić Feri, koji je u ratu osvojio medalju. Mi smo u ratu održali dva turnira, a Feri je prije rata bio juniorski reprezentativac.

KRAJINA: Bihać je svojevremeno imao mnogo više karate klubova, koliko ih ima sada?

Nijaz: Sada ih ima pet, a da se svi skupimo, nemamo ni jednog seniora. Ali, za razliku od nas, drugi borilački klubovi imaju seniore, jedan od njih je boksterski klub, ali kada govorim o karate kao sportu, želim reći da je on u Japanu uveden u obrazovni sistem, to je sport koji je “opisan, propisan i napisan”. Ja sam sada najstariji trener u BiH, osim mene u toj kategoriji je i Almasa Čurić, čiji je suprug Salih jedan od



ANNE LEGENDE



karatea u Bihaću

onih koji su donijeli karate u BiH. Ona je od mene starija oko dvije godine, a u ono vrijeme je bila prvakinja Jugoslavije u katama. Ona ima svoj klub i jako je uspješna trenerica.

KRAJINA: S obzirom na tvoje ogromno iskustvo, možeš li opisati šta se to promijenilo u odnosu na vrijeme koje je daleko iza nas?

Nijaz: Iskreno, ja se baš ne mogu najbolje prilagoditi svemu ovome što je to novo vrijeme donijelo, ne samo kada je u pitanju treniranje. Mi treniramo gotovo isto, ali ja se pa da budem otvoren, ne mogu prilagoditi ponašanju nekih roditelja koja dolaze na trening. Na primjer, dovedu dijete na trening i kažu "nemoj mi ga puno umoriti", "nemoj ga tako istezati". "Ubili" smo se sa internet karateom između ostalog, ljudi gledaju karate na internetu, naučili kate i misle da je to to, ali naravno da je na takav način nemoguće steći znanje i vještine ovog sporta. Dok se taj zategnuti mišić ne osjeti, nema tu vještine. Dalje, karate je gajenje duhovnosti, uma, discipline, povjerenja, poštovanja, to je plemenita disciplina koja se uči i vježba saiskusnim trenerima iima svoj proces. Zato se ne mogu uklopiti u nove trendove kada neki

roditelji misle da se bez mnogo truda, upornosti i volje može doći do rezultata.

KRAJINA: Često se proteže teza i o karate kao o "humanom" sportu. Šta nam tvoje iskustvo kaže?

Nijaz: Karate nema međusobnog kontakta, naročito u ranoj fazi, kod djece. To jeste beskontaktni sport, ovo je nadasve mentalni trening, kada snagom volje i uma u naponu snage pri "udarcu" nogom, faktički tu nogu i zaustavljate. Karate se uvuče pod kožu, ja taj sport živim, on je dio mog svakodnevnog života, kroz ovaj sport treniramo ne samo odnos prema sebi, nego prema drugim ljudima, svojoj okolini, okruženju, prirodi. Karate nosi ogromnu samodisciplinu koja na kraju i nas određuje kao ljude. U ovim godinama, ja živim karate, od ranog jutra, buđenja, moj život je određen kodeksima ovog sporta. Ja živim život u kojem uvijek hoću da sačuvam obraz, da imam poštovanje prema mladima i prema starijima, hoću da budem dobročinitelj, ako nekome nešto dobro učinim, želim da se zbog toga osjećam dobro. To me je sve naučio karate, kroz ovaj sport sam naučio kako biti bolji čovjek. Ja karate zvanično

treniram 54 godine, i sigurno mogu reći da karatista ne može biti loš čovjek, niti loš čovjek može biti karatista. Ovoi je plemenit sport, koji ne jača samo tijelo, nego jača i ljudski duh, karate nas uči kako da svoj život provedemo a da smo uvijek na putu časti, čast je jedan od najvažnijih kodeksa ovog sporta. Bez toga se ne može.

KRAJINA: Edine, ti si karate zavolio gledajući oca, ili si rođen s talentom?

Edin: Pa sad (smijeh), kako god, ali zaista sam gledajući oca odlučio i znao da će karate biti i moj život. Moj prvi susret s karateom bio je u ranoj dječjačkoj dobi kada me otac poveo na trenig. Mislim da je to bilo 1994. godine u školi Harmani II, kada sam se prvi put s tim sportom susreo i odmah ga i zavolio. Zapravo, nisam se drugim sportom ni bavio, za razliku od nekih tada vršnjaka koji su se okušali i različitim sportovima, ja sam tu energiju i želju da se ostvarim kao karatista, dobio gledajući taj prvi trenig. Sve kasnije što se u mom životu od takmičara do trenera dešavalo, uz ogromnu želju je stvar i ogromnog truda. Ipak, bez ljubavi prema ovome sportu, kao uostalom i u svemu čemu se čovjek srcem

posveti, ne bi bilo ni mojih rezultata na koje sam ponosan. Ali, kada sve saberem, najviše sam ponosan na to što sam u relativno ranoj životnoj dobi proputovao jako puno. Rezultati su naravno jedna strana uspjeha, ali ja sam sa 18 godina bio u Meksiku kao član reprezentacije, naravno da sam se trudio ostvariti najbolje moguće rezultate, ali moja fascinacija putovanjima i susretanjem sa drugim zemljama, kulturama i običajima je meni nešto za šta duboko vjerujem da je dar samo po sebi. Upoznavati svijet oko sebe je čovjeku prirodno, mi smo društvena bića i treba da širimosvjetonazore, a putovanja koja smam ostvario tokom mog takmičarskog života su uz sve postignute rezultate, nešto što me je ispunjavalo i nešto zbog čega sam uvijek imao dodatni motiv da se i mnogo jače dajem u takmičarskom dijelu.

KRAJINA: Vremenom si i ti došao do trenerske pozicije, reci nam svoja iskustva, ali prije toga ispričaj kako ti je bilo u Japanu, kolijevci karatea?

Edin: Da, osnovao sam Karate akademiju "Dojo", ali kad pitaš za Japan, tamo sam bio na Svjetskom prvenstvu u Tokiju. To je zaista drugi svijet, ljudi tamo doslovce žive karate, gledao sam ljude u automobilima, koji dok je na semaforu crveno, izidu van i rade karate vježbe. Japanci su takvi, puni poštovanja prema svojoj zemlji, kulturi, tradiciji, karate im je u genima, ali i sa ogromnim poštovanjem prema životu i svijetu oko njih uopće. Običaj je kad se dođe na sva takmičenja, imati trenige naravno, ali ja sam u Tokiju doslovce samo hodao, željan vidjeti što više, to je fascinantna zemlja, nikoga ne ostavlja ravnodušnim, pa ni mene. Tamo nigdje nisam vidio kantu za smeće na ulici, takvi su, oni svoje smeće nose sa sobom do kuće i tamo ga bace. Pored svega što sam tamo vidio, oduševio me način iskazivanja poštovanja prema njihovim trenerima. Kad se on pojavi, svi jednoglasno ga pozdravljaju s njihovim tradicionalnim "haj, haj", naklonima i to je samo mali dio onoga što nas u Japanu dočeka kao kultura koju oni žive, koju nose u sebi. Njihov odnos prema prirodi je također fascinantna i mi bi od njih mnogo mogli naučiti, prvenstveno kako da poštujemo jedni druge.

Nijaz: Bilo je toga i kod nas ranije, mislim na poštovanje, red i disciplinu. Pamtim da niko nije smio na zakazani trening zakasni ni minute, ko zakasni, taj u salu ne ulazi, on odlazi. Jednom sam ja kasnio, bio smaa na važnom sastanku i javio sam asistentu da ću kasniti pet minuta. Idući prema dvorani, čuo smam graju, vrisku, dernjavu, a samo što sam otvorio vrata, u sSali je nastao tajac. Svi do jednog su utihnuli, ne po naredbi, nego su osjećali da tako mora biti kada ispred njih stoji trener. Jednom sam ih zbog nestašluka

kaznio i bez objašnjenja sve ih poslao kući. Sutradan su se izvinjavali i oni koji nisu ni znali zbog čega su svi kažnjeni. Nisu to bile represivne metode, ja nisam takav čovjek, to je bio način da nauče kakjo se treba ponašati prema drugima, prema starijima, prema onima koji su tu da im prenesu znanje, i tada je to bilo tako, ali u međuvremenu se mnogo štošta promijenilo. Ono što želim reći je da sam beskraino ponosan na sve moje učenike i koji jesu nastavili život u karate i na one koji nisu. Samo jedni od mojih učenika su brat i sestra Jasmin i Jasna Kurtagić..mnogo je trenera sada kojima sam nekad ja bio trener i ponosan na njih sve prije svega jer su dobri ljudi.

KRAJINA: Edine, šta je to najviše što si osvojio u karateu?

Edin: Moj najdraži rezultat je medalja sa Mediteranskih igara, bio sam na Tenerifima viceprvak Evrope, također i u Budimpešti. Imam još mnogo medalja i priznanja, ali uvijek volim reći da karate nije samo borički sport, to je disciplina koja oplemenjuje um i dušu. Tako sam i mimo karate kluba Bihać, otvorio Karate akademiju "Dojo", na japanskom bi to značilo "sala u kojoj se vježbaju borički sportovi". Od ove godine ćemo učestvovati i naan federalnim i državnim takmičenjima. Interes je veliki, zadovoljan syam djecom jer su i ona zaineresirana za ovaj sport. Ja sam svjestanb da su treninzi sada drukčiji nego kada je to u najboljim godinama, radio moj otac, pa se i ja prilagođavam svemu tome. Ipak, mislim da sam od oca naslijedio tu crtu ozbiljnosti, pa eto možda "strogoće" kada je u pitanju odnos prema ovome što radim. Možda je i to razlog što imam puno djece koju treniram, a dolaze nam djeca od najmanjeg uzrasta pa do 14. godine života. Osim karate, radimo i motoričke vježbe sanajmladima i ono što primjećujem je da je takve djece sve više., Uz nadzor i profesionalan pristup kakav dobijaju, i oni ostvaruju uspjeh, sve što sam postigao i sve što želim postići, dugujem ogromnoj disciplini koju mi je dao karate, moj otac i njegov pristup u odgoju, vremena semijenjaju pa i ja nastojim sebe prilagoditi novim izazovima. Ali, svi ti izazovi se lakše savladaju kada je posvećenost maksimalna, pa sam na vrijeme shvatio da put do uspjeha u radu sa djecom mora biti posvećen njihovim potrebama. Akademija osim svega što tamo srcem dajemo i učimo ih, ima i razvijanje motorike kod djece od ranog djetinjstva, ja se nadam da će u Bihaću svaka vrsta sporta pa i karate uvijek biti način života naših mladih ljudi koji će jednoga dana zauzeti trenerske i učiteljske pozicije na kojima smo mi sada. To je ciklus života, moja želja je da tako odgojim i svoga sina, pa da lanac Muslića u sportskom i trenerskom duhu bude nastavljen.

Razgovarala: N.Džanić

U ORGANIZACIJI BOŠNJAČKE NACIONALNE ZAJEDNICE GRADA SISKA I SISAČKO-MOSLAVAČKE ŽUPANIJE



Zapažen nastup Gradskog ženskog hora Bihać na manifestaciji „Sevdahom kroz Hrvatsku“

Bošnjačka nacionalna zajednica Grada Siska i Sisačko-moslavačke županije, u subotu, 20. septembra, u dvorani „Kazalište 21“ u Sisku, organizirala je mani-

festaciju pod nazivom „Sevdahom kroz Hrvatsku“.

Učesnici programa su bili: Hor „Sevde“ iz Siska uz prateći orkestar „Sevdalije“ iz Rijeke,

UG Gradski ženski hor iz Bihaća, izvođač sevdalinke Mehmed Gorazda i Ansambal „Bosana“ iz Zagreba.

Pokrovitelj ove manifestacije je Savjet za nacional-

ne manjine, a UG Gradski ženski hor iz Bihaća, kao jedini predstavnik iz Bosne i Hercegovine, kroz troglasno izvođenje kompozicija u obradi autora Faruka Mehića i

Samira Merdžanića, pokušio je gromoglasne aplauze.

Projekat učestvovanja na kulturnoj manifestaciji „Sevdahom kroz Hrvatsku“ u Sisku, kojim je UG „Grad-

ski ženski hor „Bihać, aplicirao na Javni poziv za dodjelu sredstava je finansiran iz budžeta Vlade Unsko-sanskog kantona.

N.Piralić

„JESEN NA GELENDERIMA“

Program za sve generacije

Da je sve spremno za buđenje usnulog bihačkog parka na press konferenciji održanoj u ponedjeljak uoči otvaranja ovogodišnje manifestacije „Jesen na Gelenderima“ potvrdile su direktorice Kulturnog centra, Turističke zajednice i Radija Bihać Erna Begatović Huremagić, Dijana Pečenković i Ines Alijagić te predstavnik pokrovitelja Gradske uprave, Anel Kajtezović.

Gradski park je, kako su i najavili, ove sedmice uistinu bio scena na otvorenom. Programski sadržaji tradicionalne manifestacije „Jesen na Gelenderima“ bit će spoj umjetnosti i tradicije. Cilj je vratiti uspomene starijim generacijama na nekadašnje, uobičajene susrete na Gelenderima, a mladima pružiti šansu da nastave tradiciju.

Ovo je značajna manifestacija za Bihać i zato smo ove godine odlučili u organizaciju, pored Kulturnog centra Bihać i Turističke zajednice, uključiti i RTV Bihać. Tako je Radio Bihać od sada i zvanično jedan od organizatora manifestacije „Jesen na Gelenderima“, za koju Grad daje finansijsku podršku, ali i logističku u organizaciji sadržaja, kazao je Anel Kajtezović, savjetnik bihačkog gradonačelnika.



- Tokom ove sedmice, svi oni koji su poželjeli biti dio ovog bihačkog kulturnog sadržaja, mogli su uživati u koncertima, večerima poezije, predstavama za djecu i naravno sportskim sadržajima koje smo ove godine pripremili. Za svakog će se naći nešto. Zato, pozivam naše sugrađane da ovih dana dođu na Gelendere i uživaju, riječi su Erne Begatović-Huremagić, direktorice Ku-

lturnog centra Bihać.

Pored Kulturnog centra, u ovogodišnju organizaciju uključeni su Turistička zajednica i JP „RTV Bihać“.

- Ovo je dokaz da mi u toku cijele godine imamo šta ponuditi, kako našim sugrađanima, tako i turistima koji posjećuju Bihać, istakla je Dijana Pečenković, direktorica Turističke zajednice.

- Čast nam je da smo ove godine dio organizacije ma-

nifestacije „Jesen na Gelenderima“. Zaduženi smo, prvenstveno za tehnički dio organizacije. Iskreno se nadam da ćemo narednih dana uživati u ovoj tradicionalnoj manifestaciji“, izjavila je Ines Alijagić, direktorica JP „RTV Bihać“.

Kompletan program dostupan je društvenim mrežama Kulturnog centra i Turističke zajednice.

Tekst: Radio Bihać



SEDMICA MIRA U SANSKOM MOSTU

Prezentirani učenički radovi



U Sanskom Mostu upriličena je Međunarodna sedmica mira, koju već šesnaestu godinu zaredom u ovom gradu organizira nevladina organizacija Centar za izgradnju mira. Četvrtog dana manifestacije učenici iz šest sanskih osnovnih škola, prezentirali su svoje radove koji su nastali u sklopu projekta „Obrazovanje za demokratiju“, koji je u saradnji sa CIM-om realizovan u protekle dvije godine. Sanski učenici imali su priliku tokom trajanja ovog projekta učiti o demokratiji i ljudskim pravima, i sve što su naučili biće im velike koristi u daljnjem školovanju.

Međunarodna sedmica mira je manifestacija koja ima za cilj promicanje mira, tolerancije i dijaloga među različitim religijskim i etničkim zajednicama, tako da je i ovogodišnja manifestacija ponudila mnoštvo raznovrsnih aktivnosti i sadržaja. Organizovane su različite radionice, okrugli stolovi i sastanci na temu omladinskog mirovnog aktivizma i međureligijskog dijaloga, uz učešće gostiju i predavača iz više zemalja.

Svi događaji tokom Sedmice mira održani su u prirodnom ambijentu CIM-ove „Bašče mogućnosti“, koja se nalazi u sanskom selu Kruhari, i koja je posljednjih godina postala prepoznatljivo mjesto koje pruža brojne mogućnosti za boravak i organizovanje različitih prigodnih sadržaja za potrebe ove nevladine organizacije. Ovogodišnja manifestacija je trajala do 21. septembra. / Izvor: RTV Sana

UČEŠĆEM NA NJEMAČKOM EUROCAMPU I UČENICI IZ BIHAĆA SA SREDNJOŠKOLCIMA IZ EVROPE

Grade mostove prijateljstva i stječu znanja i iskustva

U vremenu kada je mladima potrebno što više prilika za upoznavanje drugih kultura, razvijanje samopouzdanja i stjecanje novih iskustava, posebno mjesto zauzimaju međunarodni programi razmjene.

Jedan od takvih programa je Eurocamp u njemačkoj saveznoj pokrajini Sachsen-Anhalt, projekat koji od 1992. godine organizira Auslandsgesellschaft Sachsen-Anhalt e.V. (Udruženje za međunarodnu saradnju) i koji je do sada okupio hiljade učesnika iz više od 40 evropskih zemalja. Tokom ljetnih mjeseci mladi iz cijele Evrope imaju priliku da se kroz radionice, kreativne sadržaje i volonterski rad međusobno upoznaju, druže i zajedno grade mostove prijateljstva širom kontinenta.

Zahvaljujući Orhani Čoralić, profesorici njemačkog jezika u JU Mješovita elektrotehnička i drvoprerađivačka srednja škola u Bihaću, od 2019. godine i učenici te škole učestvuju u Eurocampu u Sachsen-Anhaltu.

Profesorica Čoralić kaže da je do saradnje s Eurocampom došlo nakon što je slučajno saznala za ovaj program, te je odlučila kontaktirati organizatore s upitom da li u njemu mogu učestvovati i srednjoškolci iz Bosne i Hercegovine.

- S obzirom da sam i sama kao studentica imala iskustvo učešća u internacionalnom kampu u Americi znala sam koliko je važno pružiti priliku mladima da istražuju svijet izvan granica svoga grada, da steknu određenu jezičku sigurnost, samopouzdanje i interkulturalne vještine. Zbog toga sam željela da i učenicima škole u kojoj radim pokušam omogućiti odlazak u Eurocamp. Prema dostupnim informacijama vidjela sam da nude brojne korisne sadržaje i nakon ostvarenih kontakata s organizatorima u Njemačkoj, uslijedio je postupak za učešće u Kampu koji je uključivao intervju s učenicima i proces selekcije, pojašnjava profesorica Čoralić.

Tako su se od 2019. do ove godine među brojnim učenicima Eurocampu iz evropskih zemalja našli i srednjoškolci iz Bihaća, a profesorica Čoralić ističe da je ponosna na njihovo učešće i doprinos koji su dali kroz sadržaje Kampa.

- Učenici Nail Bobić i Amir Mujnović su prvi učesnici Kampa koji su boravili od 4. do 18. augusta 2019. godine u Heidecamp Schlaitzu. Zbog pandemije Covid 19, od 2020. godine, pa do 2023. godine naši učenici nisu učestvovali u Kampu, a onda je prošle godine selekciju prošla učenica Sara Karić koja je u Naumburgu boravila od 27. jula do 10. augusta.

Uvjete da ode u Kamp ove godine ispunio je Arman Veladžić koji je boravio od 8. augusta do 18. augusta u Wittenbergu. On nije učenik naše škole, ali je bio motiviran da se prijavi, ističe profesorica Čoralić.

Ove godine kamp je trajao deset intenzivnih dana ispunjenih susre-



• Ove godine kamp je trajao deset intenzivnih dana ispunjenih susretima, angažmanom i međunarodnom razmjenom, 40 učesnika iz 16 evropskih zemalja koji su predstavili rezultate svojih radionica i radnih projekata

tima, angažmanom i međunarodnom razmjenom, 40 učesnika iz 16 evropskih zemalja koji su predstavili rezultate svojih radionica i radnih projekata.

Glavne teme ovogodišnjeg susreta mladih u Njemačkoj bile su one o održivosti, demokraciji, kulturnoj raznolikosti i budućnosti Evrope. U kreativnim formatima, počev od prezentacija, preko izložbi pa sve do umjetničkih priloga, mladi su pokazali kako zamišljaju Evropu i kako je žele aktivno oblikovati.

Na završnoj svečanosti okupio se veliki broj gostiju, među kojima i premijer savezne pokrajine Sachsen-Anhalt, dr. Reiner Haseloff, zastupnica u Evropskom parlamentu Alexandra Mehnert te Reiner Nitsche, član Upravnog odbora Auslands-gesellschaft Sachsen-Anhalt, što govori o tome koliko je Kamp prepoznat kao važan projekt, ističe profesorica Čoralić.

Iskustvo koje mijenja perspektivu

Riječi hvala za Eurocamp imaju i sami učenici koji su učestvovali u ovom Kampu. Učenik Nail Bobić, kaže da je učešće u ovom programu za njega bilo jedno od najposebnijih iskustava u životu.

- Ta prilika mi je otvorila vidike i

značajno utjecala na moj lični i akademski razvoj. Upravo zahvaljujući tom iskustvu, danas sam na mjestu na kojem jesam.

Na kampu sam upoznao ljude iz različitih dijelova svijeta, njihove kulture i običaje. To je bila neverovatna prilika da kroz druženje i zajedničke aktivnosti naučim koliko je svijet raznolik i bogat. Posebno bih preporučio svima da se prijave i iskuse nešto slično, jer je riječ o iskustvu koje zaista mijenja perspektivu.

Jedan od najvećih benefita za mene bila je prilika da poboljšam svoje znanje stranih jezika. Kroz svakodnevnu komunikaciju s vršnjacima iz drugih zemalja postao sam sigurniji u govoru i naučio kako se snaći u multikulturalnom okruženju.

Kamp nije bio samo prilika za druženje, već i za aktivno učenje. Učestvovali smo u sportskim i volonterskim aktivnostima koje su doprinijele lokalnoj zajednici, kao i u brojnim timskim zadacima koji su nas učili saradnji, međusobnom razumijevanju i poštovanju različitosti. Osim toga, imao sam priliku da dobijem savjete o upisu na fakultet od starijih učesnika koji već studiraju u različitim državama, što mi je puno pomoglo u planiranju budućnosti.



Univerzalni jezici koji nas povezuju

Eurocamp mi je pokazao ljepotu putovanja i planiranja novih avantura širom Evrope. To iskustvo nosim sa sobom kao dragocjenu uspomenu i preporučujem ga svima koji žele da se razvijaju, steknu nova prijateljstva i otvore vrata ka svijetu, oduševljeno o svom iskustvu u Eurocampu priča prvi učesnik u tom programu, učenik Nail Bobić.

Slične impresije o učešću na Eurocampu podijelila je i učenica Sara Karić, koja kaže da nosi prelijepe utiske i uspomene, na samo putovanje i čarobni Berlin, pa do svakodnevnih aktivnosti u kampu i bajkoviti Naumburg.

- Susret sa mladima iz različitih zemalja i kultura otvorio mi je nove vidike i naučio me koliko su razmjenjena ideja, običaja i vrijednosti važni za razvoj ličnosti svakog pojedinca. Poseban pečat na mene ostavile su radionice slikanja i volonterski rad u lokalnoj zajednici, jer sam shvatila da umjetnost i zajedništvo mogu biti univerzalni jezici koji nas povezuju bez obzira odakle dolazimo.

Kroz druženje, humanitarni rad, ples i razgovore shvatila sam da se upravo u različitostima krije ljepota, a u međusobnom razumijevanju snaga. Međusobna podrška, otvorenost

i spontanost učinili su hostel u kom smo boravili tih četrnaest dana našim domom. I danas naša grupa živi, kroz male znake pažnje koje s vremena na vrijeme upućujemo jedni drugima.

Eurocamp mi je donio prijateljstva, osnažio me da vjerujem u svoje snove i dao mi osjećaj pripadnosti širem evropskom krugu mladih koji žele graditi bolju budućnost. To je bilo moje veliko putovanje, izazov i pustolovina koje ću se uvijek sjećati sa zahvalnošću.

Na kraju, preporučila bih svim mladima da se okušaju u projektima ovakvog tipa, jer će steći vrijedna iskustva i uspomene, poručuje učenica Sara Karić.

Solidarnost, održivost i ljudska prava

Arman Veladžić se prošlog mjeseca vratio iz Njemačke i on s oduševljenjem govori o vremenu provedenom u Eurocampu.

- Kada sam otišao u Wittenberg na Eurocamp 2025 nisam znao tačno šta da očekujem. Na kraju je ispalo da je to jedno od najboljih iskustava koje sam imao. Najviše mi se svidjelo što sam upoznao ljude iz raznih zemalja i kultura. Iako smo svi različiti, brzo smo se zbližili i našli zajedničke teme. Radionice su bile zanimljive i korisne jer smo pričali o stvarima koje se tiču naše budućnosti, kao što su solidarnost, održivost i ljudska prava. Posebno mi je bilo drago što smo imali i konkretne aktivnosti za lokalnu zajednicu, jer se vidi rezultat i osjeti da naš rad ima smisla.

Atmosfera je bila opuštena, imali smo kulturne večeri i dosta prilika da se družimo i učimo jedni od drugih. Naravno, bilo je i sitnica koje bi se mogle popraviti, ponekad je rasored bio prenatrpan i nije bilo dovoljno vremena za sve, a nekima je bilo teško da se izraze na engleskom pa se nisu uvijek uključivali u diskusiju. Ali to ne mijenja činjenicu da je cijelo iskustvo bilo posebno i vrijedno.

Za mene je Eurocamp značio nova prijateljstva, više samopouzdanja i motivaciju da nastavim da radim na sebi i na stvarima koje su mi važne. Osjećaj pripadnosti i ideja da svi zajedno možemo doprinostiti budućnosti Evrope ostavio je jak dojam na mene, zaključuje Arman Veladžić.

Iskustva učenika iz Bihaća potvrđuju da Eurocamp nije samo mjesto okupljanja, već prilika za lični rast, interkulturalno razumijevanje i jačanje evropskih vrijednosti. Profesorica Orhana Čoralić naglašava da će i u budućnosti nastaviti motivirati učenike da se prijavljuju na ovaj program, jer iskustva pokazuju da Eurocamp ostavlja snažan i dugotrajan utisak na mlade ljude i pomaže im da otvore nova vrata ka boljoj, ljepšoj budućnosti koju trebaju graditi upravo nove generacije.

E.A.



FELJTON: KRAJIŠKI PRVACI PREGALAŠTVA

Krajiškinja puna snage i dostojanstva – životna priča Vahide Sulejmanović

• Građani su često izvarani od stranačkih vođa. Moj savjet je da se ljudi više aktiviraju, ne napuštaju stranke, bore se protiv lošeg unutar njih i vrate se akcijama i radu, kao što smo to radile mi u RUŽ-u.

Bihać i Krajina oduvijek su radali ljude snažnog duha, one koji nisu štedjeli sebe kada je trebalo stati u odbranu dostojanstva i ljudskosti. Među njima posebno mjesto zauzima Vahida Sulejmanović, žena čiji je život isprepleten društvenim angažmanom, borbom za zajednicu i neumornim radom za dobrobit drugih. Rođena u Bakšaišu, odrasla u porodici u kojoj su se cijenili rad, obrazovanje i poštenje, Vahida je od najranijih dana nosila duh društvene angažiranosti. Njena uloga tokom rata, kroz humanitarni i društveni rad, kao i predanost porodici, ostali su upisani u sjećanje svih koji su je poznavali. Danas, u penzionerskim danima, ona sa smirenom toplinom govori



o svom putu, evocirajući uspomena na djetinjstvo, mladost, ratni period i kasniji angažman – sve ono što jednu običnu ženu čini izuzetnom i dostojnom da se njena priča sačuva od zaborava.

Krajina: Gospođa Sulejmanović,

recite nam nešto o svom rođenju i djetinjstvu?

Sulejmanović: Rođena sam Biščanka, ustvari, Bakšaišanka. Došla sam na svijet baš u vrijeme kada je bila gladna godina, 1949. na '50. Moje rođenje je obilježeno jednom posebnom tragedijom – prije mene su dva sina umrla, a ja sam rođena ujutro, dok je brat od četiri godine umro navečer. Kako je moj otac bio pripadnik armije poslije onog rata i bio u Sarajevu, javljali su mu da je sin bolestan, ne želeći mu reći da je dijete mrtvo.

Samo jednom sam čula maminu priču o mom rođenju i kako je moj život trasiran prema svemu onome što je otac radio u onome ratu. Kada je došao kući, mama ga opisuje: u oficirskom odjelu, čizme dugačke, prljave. Ja rođena, u ono vrijeme situacija takva da mi niko nije prišao, samo su me zamotali u nekakvu haljinu, a ona stoji i čeka šta će muž reći. Ulazi otac, a tu su bili hodža Hasan Redžić, Mustafa Vuković, moj otac i svi tadašnji bakšaiški velikani.


Otac ulazi i samo kaže: „Bože, šta sam ti uradio“, jer je on tada

već bio komunista. Sa tom rečenicom, on pada po mrtvom djetetu. Ovi prisutni počinju govoriti: „Čekaj Meša, sine, čekaj, evo, Bog ti je podario dijete.“ Kad se okrenuo, vidio je mene – nikakvu, zamotanu, a mama stoji i vrisne u plač. Tek tada su se tri-četiri žene, babice, počele baviti oko mene da mi pupak odrežu. Tako da ja imam tri babice.

Hoću reći da je moj život, poslije dvoje muške djece, kao žensko dijete, već od starta imao privilegiju da budem voljena i posebna. Imam i sliku od devet mjeseci, kad mi je otac tada iz Sarajeva poslao sat, ogrlicu i mendošice. Moja baba, kako sam je zvala, šivala mi je haljinice sa volaničima, pa su već 1950. godine znali govoriti: „Ova mala će biti kraljica.“

Djevojački prezivam se Ramić. Moj otac Mehmed, kojeg su zvali Meša, bio je najmlađi pripadnik vojske u onom ratu – prešao je iz vojske NDH u partizane. Čuo je za partizanski pokret i njih trojica su se iskrali iz kasarne i priključili partizanima. U toku rata upoznao se i sa Žarkom, sinom Titovim. Na kraju rata izašao je sa činom kaptana prve klase i odmah se demobilisao kada sam se ja rodila, govoreći da želi imati porodicu. Tako je otišao u penziju, a ja sam othranjena uz Unu.

Stric Omer radio je u Beogradu i donosio mi čokolade, lješnjake i svašta nešto. Odrastala sam uz ljubav i pažnju. Majka se zvala Rahima. Osnovnu školu sam završila u Bakšaišu. Prva učiteljica bila mi je Anica Kovačević, zatim Husein Burzić, sve to pamtim. U osmogodišnju sam išla u Prekounje, zato





što je moj otac imao piljarnicu tamo. Išla sam u školu „Stana Sučević“. Bila sam šesti razred i imala običaj da stanem na gajbu i važem kad otac ode nabavljati robu.

Voljela sam ruski jezik. U „Stana Sučević“ se učio ruski, i to mi je bila velika ljubav. Poslije osnovne škole, upisujem Ekonomsku srednju školu. To me prirodno vodilo ka pozivu mog oca, strica Hame i svih u mojoj blizini. U srednjoj školi počinje moj društveno-politički angažman – bila sam predstavnik školske zajednice, predstavnik Komiteta omladine. Postala sam i član Saveza komunista, negdje 1968–1969. godine. Sjećam se svakog detalja tog perioda. Za mene život mogu podijeliti na dva dijela – do rata i poslije rata.


Krajina: Kada ste započeli svoj radni angažman i kako su izgledali vaši prvi koraci u profesionalnom životu?

Sulejmanović: Prvo zaposlenje

dobila sam paralelno s upisom na Ekonomski fakultet u Banjoj Luci, u „Una komercu“. Tamo sam radila kao pripravica, a potom i kao diplomirani ekonomista. To mi je bio veliki izazov, jer sam morala usklađivati studij i posao. Ali bila sam uporna, željela sam dokazati

da mogu sve stići. To je bila škola života – rano sam naučila šta znači odgovornost, disciplina i organizacija.

Krajina: U kojim sve oblastima društvenog života ste djelovali i na šta ste najponosniji, šta



smatrate najvećom životnom pobjedom?

Sulejmanović: Dobila sam kćerku Renatu, koja je završila ekonomsku i medicinsku školu. Rat je počeo, a Renata je bila izuzetno angažirana – pomagala ranjenicima, često izlagala život opasnosti, i bila omiljena među ljekarima. Na kraju rata pala je u komu, ali se oporavila i završila Visoku zdravstvenu školu i ekonomiju, te sada radi na poziciji vezanoj za ocjene vrijednosti. Nakon sedam godina dobila sam sina Dinka, koji danas živi u Austriji, završio je engleski i njemački jezik, magistrirao politologiju i gradi svoj profesionalni život.

U našoj kući uvijek je vladalo višenacionalno opredjeljenje i društveni aktivizam. Moja strina, supruga Hamina, Muhameda Ramića, inicirala je osnivanje Regionalnog udruženja žena – RUŽ. Udruženje je bilo otvoreno za sve, bez obzira na naciju. Među nama su bile Vera Altić, Slobodanka Begatović, Zora Tomljenović, Ankica Mihić. Od Doma Armije dobili smo kancelariju i organizirali rad po mjesnim zajednicama i aktivima. Ja sam bila predsjednica aktivna žena Harmani, koordinirala akcije sa suprugom i djecom, i pratila svaki detalj.

Prve akcije sakupljanja, distribucije i podrške vojsci i lokalnom stanovništvu organizirale smo na Grabežu, u aktivima Luke, Harmani, Hatinac. Povezivale smo se s kim god je bilo moguće, uključujući i Hatku Selmanović, koja je radila u Njemačkoj. Sin Dinko prikupljao je informacije i povezao nas s međunarodnim organizacijama.

Kada je počela Autonomija, neke općine nisu mogle biti stalno uključene – Cazin, Bosanska Krupa, Velika Kladuša – zbog političkih pritisa. Žene poput Der-

više Žalić i Izete Čurtović bile su izložene pritiscima, ali su ostale posvećene. Mi smo bile moralna podrška i primjer karaktera i reda.

Dočekale smo izbjeglice iz Orašca, organizovale podjelu čajeva, krofni i pomoć, te bile veza između Armije i vanjskog svijeta. Francuski bataljon u Tehničkoj školi davao nam je brašno, šećer i ulje za kolače i hurmašice. Organizirale smo humanitarne akcije, pripremale hranu i dočekivale goste kod kuće, u vrijeme stanja sa Srebrenicom i Autonomijom.

Učestvovala smo i u obilježavanju Dana zdravstvenih radnika, skretale pažnju javnosti na njihovu požrtvovanost i održavale okrugle stolove na teme: žena u ulozi borca, žena u ulozi domaćice, žena u ulozi ljekara.

Smatram svojom životnom pobjedom što niko ne može ništa negativno reći o meni. Rođena sam kćerka Meše Ramića, prvoborca Narodno-oslobodilačke borbe. Uvijek je bio sretan kada sam se angažirala i učestvovala u društvenim aktivnostima. Sa 20 godina bila sam najmlađi delegat na Devetom Kongresu Saveza komunista Jugoslavije, gdje je ukupno bilo 1.093 delegata.

Krajina: Vaša poruka građanima i po čemu biste željeli da vas pamte?

Sulejmanović: Građani su često izvarani od stranačkih vođa. Moj savjet je da se ljudi više aktiviraju, ne napuštaju stranke, bore se protiv lošeg unutar njih i vrate se akcijama i radu, kao što smo to radile mi u RUŽ-u. Po svemu što sam radila prije i tokom rata, po angažmanu, humanosti i inicijativi u Harmanima. Po svojoj djeci i porodici, i po tome što smo uvijek radile za zajednicu i moralne vrijednosti.

Razgovarao: Fahrudin Vojić

VELIKA KLADUŠA

Općina postala vlasnik 36.000 m² na lokalitetu „Šumatačke luke“

U Velikoj Kladuši potpisan je ugovor kojim je Općina Velika Kladuša postala vlasnik zemljišta površine 36.330 kvadratnih metara na lokalitetu „Šumatačke luke“. Ugovor je potpisan između Općine koju zastupa općinski načelnik Boris Horvat i Stolarije Kendić d.o.o. čija je direktorica Nermina Kendić. Vrijednost Ugovora iznosi 544.950 KM, a sredstva su osigurana zajedničkim naporima Federalne (Federalno ministarstvo razvoja, poduzetništva i obrta) i



Kantonalne vlade (Ministarstvo privrede USK-a), te budžeta Općine Velika Kladuša.

Načelnik Horvat je naglasio da je ovo prva u nizu

kupovina zemljišta za industrijsku zonu „Šumatačke luke“ koja prema Prosto-

nom planu Unsko-sanskog kantona, obuhvata djelove naseljenih mjesta Šumatac i Mala Kladuša ukupne površine od 44 hektara (440.000 metara kvadratnih). Općinski načelnik kazao je da je danas Općina Velika Kladuša bogatija za 36.000 metara kvadratnih zemljišta čija kupovina je osigurana sredstvima Federalne i Kantonalne vlade, dok nakon više od 30 godina, naša Općina dobija prvu industrijsku zonu u svom vlasništvu koja će biti po-

nuđena svim privrednicima kako bi ulagali u Veliku Kladušu i otvorili nova radna mjesta.

Izgradnja industrijske zone „Šumatačke luke“ ima veliki značaj za ekonomski razvoj Velike Kladuše. Odlukom Općinskog vijeća, ova zona je proglašena područjem od javnog interesa, a prema Prostornom planu USK-a predviđena je za razvoj poslovnih i infrastrukturnih sadržaja, saopćeno je iz Općine Velika Kladuša.

Na osnovu člana 111. Zakona o osnovnom obrazovanju („Službeni glasnik Unsko-sanskog kantona“, broj: 19/23.), člana 8. i 9. Kolektivnog ugovora za djelatnost predškolskog i osnovnog obrazovanja i odgoja za teritorij Unsko-sanskog kantona („Službeni glasnik USK-a, broj: 11/24), Pravilnika za prijem u radni odnos u osnovnim i srednjim školama Unsko-sanskog kantona („Službeni glasnik Unsko-sanskog kantona, broj: 29/21), Odluke Školskog odbora broj: 350-05/25. od 19. 8. 2025. godine, Saglasnosti za raspisivanje konkursa Ministarstva obrazovanja, nauke, kulture i sporta USK-a broj: 10-34-9901-2/25. od 18. 8. 2025. godine, JU Osnovna škola „Sanica“ iz Sanice, raspisuje:

Ponovni K O N K U R S
za popunu radnih mjesta

R. broj	Radno mjesto	Broj časova	Vrijeme angažiranja
1.	Nastavnik biologije	4 časa	Na određeno radno vrijeme, a najduže do kraja školske 2025/26. godine
2.	Nastavnik fizike	2 časa	Na određeno radno vrijeme, a najduže do kraja školske 2025/26. godine
3.	Nastavnik bosanskog jezika i književnosti	8 časova	Na određeno radno vrijeme do povratka radnice sa porodičnog, a najduže do kraja školske 2025/26. godine
4.	Nastavnik likovne kulture	2 časa	Na određeno radno vrijeme, a najduže do kraja školske 2025/26. godine
5.	Nastavnik geografije	3 časa	Na određeno radno vrijeme, a najduže do kraja školske 2025/26. godine
6.	Nastavnik hemije	2 časa	Na određeno radno vrijeme, a najduže do kraja školske 2025/26. godine
7.	Nastavnik demokratije i ljudskih prava	1 čas	Na određeno radno vrijeme, a najduže do kraja školske 2025/26. godine
8.	Pedagog/pedagog-psiholog	1 izvršilac	Na određeno radno vrijeme, a najduže do kraja školske 2025/26. godine

OPIS POSLOVA

Za poziciju broj: 1, 2, 3, 4, 5, 6, i 7. Nastavnici organizuju i izvode nastavu u skladu sa Pedagoškim standardima, Godišnjem programu rada škole i prema Nastavnom planu i programu, izrađuju prilagođeni plan i program za djecu s teškoćama u razvoju, pripremaju i ocjenjuju školske pismene zadatke i pismene vježbe, organizuju i održavaju konsultacije učenika u izradi domaćih radova, održavaju popravne ispite, potiču i pomažu vannastavne aktivnosti učenika, organizuju i provode takmičenje učenika prema planu i programu škole, pripremaju izvještaj o radu odjeljenja u kojem su razredne starješine i vode razrednu administraciju, rade na svom stručnom i pedagoško-metodskom usavršavanju, učestvuju u radu stručnih i drugih organa škole, surađuju sa roditeljima učenika, obavljaju i druge poslove određene Zakonom, Pedagoškim standardima, Pravilima i drugim općim aktima škole po nalogu direktora.

Za poziciju broj: 8, Pedagog/Pedagog-psiholog planira i programira rad, priprema se i obavlja poslove u pedagoškom radu, analizira i vrednuje djelatnost odgojno-obrazovnog rada ustanove i učestvuje u analizi rezultata odgojno-obrazovnog procesa, organizira radionice za djecu, organizira edukativna i odgojna predavanja za djecu, roditelje i nastavno oisoblje, učestvuje u izradi godišnjeg plana i programa rada ustanove, savjetuje i pomaže u radu odgajateljima/nastavnicima, drugim stručnim saradnicima i roditeljima, predlaže mjere za poboljšanje, učestvuje u radu komisija za procjenu djece za polazaka u prvi razred, opservira sa stru-

čnim timom škole i prati podrškom djecu s teškoćama u razvoju, saraduje sa Mobilnim stručnim timom Centra za razvoj inkluzivnih praksi na području kantona i ostalim ustanovama uključenim u realizaciju Plana brige (provedba Programa sekundarne prevencije). Kao dio stručnog tima učestvuje u planiranju rada sa djecom, izrađuje i provodi preventivne programe, vodi odgovarajuću pedagošku dokumentaciju, saraduje sa ustanovama, stručno se usavršava, te obavlja i druge poslove na unapređivanju i razvoju osdgojno-obrazovne djelatnosti škole.

Pedagog/Pedagog-psiholog u radu sa odgajateljima/nastavnicima provjerava realizaciju rada odgajatelja/nastavnika (uže stručni pedagoški nadzor na nastavi, opservacija kvalitete nastavnog i cjelokupnog odgojno-obrazovnog rada, realizaciju planova i programa i sl.), analizira rezultate škole na područjima uspjeha, vladanja, popravnih ispita i sl. U kontekstu polugodišnjih i godišnjih izvještaja. Organizira istraživački rad u školama i stručno usavršavanje nastavnika, kao i odgojna i edukativna predavanja za roditelje. Pedagog/Pedagog-psiholog obavlja i druge poslove određene Zakonom, Pedagoškim standardima, Pravilima škole i drugim općim aktima škole i druge poslove po nalogu direktora i organa upravljanja

OPĆI UVJETI ZA IZBOR NA
UPRAŽNJENA RADNA MJESTA:

- a) da je državljanin BiH,
b) da je stariji od 18 godina,
c) da ima odgovarajuću diplomu, odnosno stepen stručne spreme utvrđen Nastavnim planom i programom za osnovne škole ili Pedagoškim standardima i normativima za osnovno obrazovanje,

- d) da je zdravstveno sposoban za obavljanje poslova utvrđenim za to radno mjesto,
e) da nije obuhvaćen odredbom člana IX.1. Ustava Bosne i Hercegovine,
f) da nije osuđen za krivično djelo koje ga s obzirom na prirodu krivičnog djela čini nesigurnim ili na drugi način nepodobnim za rad sa djecom
g) da se protiv njega ne vodi krivični postupak

- (2) Lica koja su rođena poslije 1980. godine nisu dužna podnositi dokaze o ispunjavanju uvjeta iz tačke e) stav 1) ovog člana.

POSEBNI UVJETI:

Za poziciju broj: 1. – Nastavnik biologije, VI ili VII stepen stručne spreme spreme: nastavnik/profesor/bachelor navedenog predmeta, odnosno završen I ciklus bolonjskog visokoobrazovnog procesa sa 180 ECTS ili 240 ECTS bodova, školsku spremu u skladu sa važećim zakonskim i podzakonskim propisima i važećim Pedagoškim standardima i normativima.

Za poziciju broj 2. - Nastavnik fizike, VI ili VII stepen stručne spreme: nastavnik/profesor/bachelor navedenog predmeta, odnosno završen I ciklus bolonjskog visokoobrazovnog procesa sa 180 ECTS ili 240 ECTS bodova, školsku spremu u skladu sa važećim zakonskim i podzakonskim propisima i važećim Pedagoškim standardima i normativima

Za poziciju broj: 3. - Nastavnik bosanskog jezika i književnosti, završeno više ili visoko obrazovanje (VI ili VII stepen stručne spreme) ili završen najmanje prvi ciklus nastavničkog fakulteta po Bolonjskom sistemu obrazovanja (180 ili 240 ECTS bodova). Profil nastavnik/profesor/bachelor sa završenim odgovarajućim fakultetom: grupa: bosanski/hrvatski/srpski jezik i književnost ili odsjek za južnoslavenske jezike i književnost gdje je: bosanski/hrvatski/srpski jezik i književnost glavni ili ravnopravni predmet u dvopredmetnoj grupi.

Za poziciju broj: 4. - Nastavnik likovne kulture, VI ili VII stepen stručne spreme: nastavnik/profesor/bachelor navedenog predmeta, odnosno završen I ciklus bolonjskog visokoobrazovnog procesa sa 180 ECTS ili 240 ECTS bodova, školsku spremu u skladu sa važećim zakonskim i podzakonskim propisima i važećim Pedagoškim standardima i normativima. I svi koji su završili bilo koji odsjek likovne akademije ili akademije primjenjenih umjetnosti s položenom pedagoško-psihološkom grupom predmeta.

Za poziciju broj 5. – Nastavnik geografije, VI ili VII stepen stručne spreme: nastavnik/profesor/bachelor navedenog predmeta, odnosno završen I ciklus bolonjskog visokoobrazovnog procesa sa 180 ECTS ili 240 ECTS bodova, školsku spremu u skladu sa važećim zakonskim i podzakonskim propisima i važećim Pedagoškim standardima i normativima.

Za poziciju broj: 6. – za nastavnik hemije – navedenog predmeta, odnosno završen I ciklus bolonjskog visoko obrazovnog procesa sa 180 ECTS ili 240 ECTS bodova, školsku spremu u skladu sa važećim zakonskim i pod zakonskim propisima i važećim Pedagoškim standardima i normativima.

Za poziciju broj 7. - za nastavnika demokratije i ljudska prava, VI ili VII stepen stručne spreme spreme: nastavnik / profesor / bachelor navedenog predmeta, od-

nosno završen I ciklus bolonjskog visokoobrazovnog procesa sa 180 ECTS ili 240 ECTS bodova, školsku spremu u skladu sa važećim zakonskim i podzakonskim propisima i važećim Pedagoškim standardima i normativima, kandidat mora posjedovati Certifikat za uspješno završenu obuku iz programa CIVITAS "Osnove demokratije"

Za poziciju broj 8. za pedagoga/pedagog psiholog Poslove i zadatke pedagoga, pedagoga-psihologa mogu obavljati lica sa:

- stečenim VII stepenom stručne spreme i zvanjem: profesor pedagogije ili diplomirani pedagog ili diplomirani pedagog-psiholog.

- završenim drugim ciklusom bolonjskog visokoobrazovnog procesa i stečeni zvanjem: (magistar/master pedagogije – akademski smjer ili magistar/master pedagogije –strukovni smjer ili magistar master pedagogije –specijalna pedagogija ili magistar/master pedagogije ili druga studijska grupa (dvopredmetni studij) sa prethodno završeni prvi ciklusom studija pedagogije.

- završenim prvim ciklusom studija u inostranstvu na akreditovanoj visokoškolskoj ustanovi (koja se nalazi u zvaničnoj evidenciji ENIC/NARIC mreže) za koju je proveden postupak priznavanja inostranih visokoškolskih kvalifikacija od strane javnih univerziteta u BiH za sticanje odgovarajuće visokoškolske kvalifikacije prvog ciklusa visokog obrazovanja.

Mjesto obavljanja rada u centralnoj školi. Puno radno vrijeme.

UZ PRIJAVU KANDIDATI/KANDIDATKINJE SU DUŽNI PRILOŽITI
DOKAZE O ISPUNJAVANJU
PROPISANIH UVJETA:

- 1) svojeručno potpisana pisana prijava na konkurs sa kratkom biografijom, kontakt podacima kandidata, tačnom naznakom na koju poziciju konkuriše i tačno navedenom dokumentacijom koja se prilaže uz prijavu na konkurs,
2) diploma/svjedodžba o stečenoj stručnoj spremi ili akademskom zvanju, ovjerena kopija,
3) izvod iz matične knjige rođenih, original ili ovjerena kopija,
4) uvjerenje o državljanstvu (ne starije od 6 mjeseci), od dana objavljivanja konkursa,
5) ovjerena izjava kod nadležnog organa da nije otpušten iz državne službe kao rezultat disciplinske mjere na bilo kojem nivou vlasti u BiH,
6) druge dokaze o ispunjavanju uslova za to radno mjesto utvrđene Zakonom, Nastavnim planom i programom, Pedagoškim standardima i Pravilnikom o unutrašnjoj organizaciji i sistematizaciji radnih mjesta,
7) Rješenje/uvjerenje nadležnog kantonalnog/općinskog organa o priznavanju svojstva užeg člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca, ratnog vojnog invalida, civilne žrtve rata i člana porodice civilnih žrtava rata.

U SLUČAJU POTREBE PRIMJENE ČLANA 11. stav (5) i (6) Pravilnika za prijem u radni odnos u osnovnim i srednjim školama Unsko-sanskog kantona („Službeni glasnik USK-a, broj: 29/21) kandidati su dužni dostaviti dodatnu doku-

mentaciju:

1. Uvjerjenje o dužini radnog iskustva na poslovima radnog mjesta za koje konkuriše (uvjerenje poslodavca kod kojeg je kandidat radio ili radi, koje mora biti precizno i detaljno, odnosno u kojem treba da stoje podaci o tome na kojim poslovima je kandidat radio, naziv radnog mjesta i stručna sprema, vremenski period obavljanja poslova, te da li su to poslovi na puno ili nepuno radno vrijeme. Poslodavac je dužan nepuno radno vrijeme preračunati u puno radno vrijeme.

2. Kandidati koji su obuhvaćeni Zakonom o dopunskim pravima branioca i članova njihovih porodica Unsko-sanskog kantona dužni su dostaviti rješenje nadležnog organa o pripadajućim pravima koje glase na njihovo ime.

Dokumentacija koja se podnosi uz prijavu mora biti u originalu ili u ovjerenoj kopiji i ne može biti starija od 6 mjeseci.

Izbor i prijem kandidata prijavljenih na konkurs izvršit će se na osnovu Pravilnika za prijem u radni odnos u osnovnim i srednjim školama Unsko-sanskog kantona („Službeni glasnik USK-a, broj: 29/21), u daljem tekstu: „Pravilnik“.

Komisija za izbor nastavnika i stručnih saradnika, Komisija za izbor sekretara obaviti će postupak izbora kandidata koji ispunjavaju uvjete konkursa. O terminu postupka izbora kandidati će biti obavješteni putem telefona, a lista kandidata se objavljuje i na oglasnoj table škole. Za kandidate koji se ne odazovu pozivu, u datom zakonskom roku prijave se neće razmatrati. Kandidati koji se nisu kvalifikovali u daljnu proceduru će biti obavješteni pismenim putem sa poukom o pravnom lijeku od strane škole.

Konkurs ostaje otvoren 8 (osam) dana od dana objavljivanja u dnevnim i sedmičnim novinama.

Nepotpune, neuredne i neblagovremene prijave neće se uzimati u razmatranje.

Izabrani kandidati su dužni prije stupanja na posao dostaviti ljekarsko uvjerenje nadležne zdravstvene ustanove koje ne može biti starije od 6 mjeseci i uvjerenje o nekažnjavanju koje izdaje Ministarstvo unutrašnjih poslova prema mjestu rođenja osobe.

Kompletan tekst javnog konkursa možete pogledati na službenoj web stranici ministarstva obrazovanja USK: obrazovanje.osnovno@vladausk.ba/kursi-za-popunu-upraznjenih-radnih-mjesta i na internet stranici službe za zapošljavanje usk: <http://www.usk-szz.ba/nova/index.php>

Za dodatna obavještenja i informacije u vezi konkursa možete kontaktirati školu/sekretara na broj: 037/671-003.

Prijave sa potrebnom dokumentacijom dostaviti u roku od 8 (osam) dana od objave javnog konkursa Komisiji, u zatvorenoj koverti putem pošte, preporučeno na adresu

Prijava na konkurs:
**JU OŠ „Sanica „ Sanica
Ul. Oslobođilaca bb,
Sanica, 79285
„NE OTVARAJ – PRIJAVA NA JAVNI
KONKURS“**

Direktor škole
Haris Ramić, direktor

JESEN NA GELENDERIMA

Bajka usnulog parka

PROGRAM 22-28. 2025.

JESEN NA GELENDERIMA
Bajka usnulog parka

Četvrtak 25.9.
Dječija olimpijada na Gelenderima
Gradski sportski savez Bihać
Početak u 11h

Reagovati – preventivno djelovati
Mjerenje šećera u krvi i savjeti
o zdravoj prehrani,
Udruženje djece i omladine oboljele
od dijabetesa USK-a, od 11h do 14h

Koncert na Gelenderima:
GRUPA SKROZ, Sarajevo
Početak u 20h

PROGRAM 22-28. 2025.

JESEN NA GELENDERIMA
Bajka usnulog parka

Petak 26.9.
Gelenderski ZIP LINE
za malu raju
KES Limit, Bihać,
od 15h do 17h

Koncert na
Gelenderima:
**Maja Milinković –
Fadolinka**
BiH/Portugal,
početak u 20h

PROGRAM 22-28. 2025.

JESEN NA GELENDERIMA
Bajka usnulog parka

Subota 27.9.
**Mala škola
biciklizma
za djecu**
BBK Daj Krug,
Bihać, početak
u 12h

Turnir u tavli
Backgammon klub
"Ajna Una" Bihać,
početak 14h

Koncert na Gelenderima:
"ZVEZDE GRANDŽA" –
Grunge tribute band,
Novi Sad, Srbija
Početak u 20h

Nedjelja 28.9.
Dječije viteške igre
Udrženje "Rusag", Prijedor
Početak u 13h

Muzičko-poetsko veče:
Alma Subašić & Armin Omerović
Sarajevo, početak u 20h

Prošlo je osam dugih i bolnih godina od preranog odlaska voljene



AZRA KOLAKOVIĆ
– **DONNA ARES**
02.10.2017. – 02.10.2025.

Donnči naša... Ti ne prolaziš. Ti si tu. I kada te nema. I kada te ne vidimo. Kada te ne čujemo... Ti si uvijek tu sa nama. Vrijeme koje prolazi je prebolno, a tuđa u sreću prevelika.

Vječno ćemo te voljeti i čuvati kao najdražu uspomenu svog života.

*S ljubavlju tvoji: mama Ajka, sestra Alma,
zet Edis i sestrić Dino*

SJEĆANJE



ELVIRA (Džanić)
AL BUQAIN
02.10.2018. – 02.10.2025.

Nedostaješ...

Tvoje sestre

IN MEMORIAM



AZRA KOLAKOVIĆ
– **DONNA ARES**
02.10.2017. – 02.10.2025.

Neka je duša moja tvoje tajno mjesto.

Tvoja Sabi

Dana 23.9.2025. navršila se 21 godina od smrti drage Kike



FIKRETA (Dedić) DURAKOVIĆ
23.09.2004. – 23.09.2025.

Vrijeme koje prolazi nikad neće popuniti ogromnu ranu u našim srcima. S ljubavlju i ponosom živiš u našim sjećanjima.

Neka ti Allah dž.š. podari lijep džennet i vječni rahmet.

Porodica

Dana 28.9.2025. godine navršava se 40 tužnih dana od smrti našeg dragog supruga, oca i dide
DŽEVAD (Ibrahim) HOŠIĆ
12.04.1952. – 17.08.2025.



Preteške su ova bol i tuđa što si ostavio svojim odlaskom. Naša srca to znaju, ali šute i podnose bol i prazninu za tobom koja će trajati koliko i mi živimo. Zauvijek si u našim mislima, srcima i sjećanju.

*Tvoja supruga Sabina,
kćerka Azra sa porodicom i sin Amir sa djecom*

Dana 28.9.2025. godine navršava se 40 tužnih dana od smrti našeg dragog oca i dide
DŽEVAD (Ibrahim) HOŠIĆ
12.04.1952. – 17.08.2025.



Pun je album slika i uspomena. Puno je srce priča i doživljaja. Vrijeme ide a duša i srce bole. U sreću nosimo tvoju dobrotu, snagu i ljubav kao veliku vrijednost tvog života. Sjećanje na tebe bolno je, vrijeme što prolazi tužno je, ali ljubav prema tebi vječna je...

Tvoja kćerka Almira sa porodicom

SJEĆANJE
na naše drage roditelje



ZUHRA
12.08.1941. –
25.09.2018.

ENVER
11.07.1936. –
23.09.1985.

PURIĆ

Emina, Azra i Smail

SJEĆANJE



na neprežaljene roditelje
U našim srcima uvijek ste voljeni, u mislima nikad zaboravljeni.
Neka Vam Allah dž.š. podari lijep džennet i vječni rahmet.
E-Fatiha

RAMZIJA LIPOVAČA
24.09.94. – 24.09.2025.

*Vaši: sin Midhet-
Nuni sa suprugom i
djecom*



ESAD LIPOVAČA
06.03.77. - 2025.

sjećanja • oglasi • TV program



SEAD MEMAGIĆ
26.09.2018. – 26.09.2025.

Uvijek ćemo se sjećati tvoje dobrote i plemenitosti koju si ostavio u našim srcima.
Molimo Allaha dž.š. da ti podari džennet.

*Tvoji: Senad, Mirela
i Adi sa porodicom*



TUŽNO SJEĆANJE
HUSEIN (Omer) MUJAGIĆ
24.09.1990. - 24.09.2025.

S ljubavlju i poštovanjem čuvamo uspomenu na tebe.

Tvoja kćerka Zlata sa porodicom

Vaše male oglase i sjećanja možete dostaviti najkasnije do srijede do 12.00 sati. Isti će biti objavljeni u broju od petka.
Redakcija

MaLi OgLaSi

PRODAJA STANOVA:

- prodajem dvosoban stan 56 m2 Ul. Bosanskih kraljeva, „C“, zgrada iznad pošte, I sprat, tel. 061-917-734
- prodajem stan na Ozimicama 2., prizemlje, površine 86 m2, cijena po dogovoru, tel. 061-706-627
- prodajem stan 69 m2 Ozimice 1, tel. 062-919-341, 062-849-446
- prodajem dvosoban stan 61 m2 kod Poliklinike, polu renoviran, sunčana strana do magistrale, tel. 062-177-997

PRODAJA KUĆA:

- prodajem kuću i zemlju u Gati, sa dva izvora tople vode, tel. 061-980-914
- kuća na prodaju u Bihaću sa garažom i stanom iznad iste lokacija Ceravci oko 200 m2 stambenog prostora izgrađena '70-tih, info: mob 061/407 300

PRODAJA ZEMLJIŠTA:

- prodajem u Dobrenici oko 9 duluma bukove šume i 4 duluma pašnjaka – proplanak. Prodaje se sve u komadu pošto se parcele naslanjaju jedna na drugu. Na pašnjaku ima izvor prirodne vode a struja je udaljena oko 300 metara, tel. 061-105-174
- prodajem u Ripču na Mahali oko 3,5 duluma zemlje, papiri čisti 1/1, dozvoljena gradnja, parcela se nalazi uz Put 5. korpusa, tel. 061-105-174
- prodajemo građevinsko zemljište na području grada Bihać. Parcela se nalazi na Ceravcima na atraktivnoj lokaciji između Katoličkog školskog centra i trgovačkog centra Fisa, plac je površine 3.277, m2 k.č. 4246, regulisano sa Regulacionim urbanističkim planom Grada Bihać, tel. 037-223-709
- prodajem zemljište 1-3 dunuma, lokacija Kamenica i Vrkašić, povoljno za izgradnju kuće i ostalih objekata, papiri su uredni, tel. 037-882-338, 064-459-008

IZNAJMLJIVANJE:

- iznajmljujem stan preko puta Kantonalne bolnice, tel. 063-929-579
- izdajem malu kuću namještenu, koja se nalazi na Lukama Ul. Mirze Delibašića br. 5, tel. 037-220-775 ili 061-057-718

Izdajem jednosoban i dvosoban stan u prizemlju kuće u Ul. Meše Selimović 55 – Hatinać, svaki stan je namješten, odvojena struja, kablovska, tel. 062-108-870, 037-310-236

- iznajmljujem sprat kuće – prizemlje, namješten, poseban ulaz, el. brojilo, šupa, parking, nalazi se u blizini Bišće parka na glavnoj cesti, itd. tel. 061-021-999
- iznajmljujem stan 42 m2 Ozimice I, lamela 4, I sprat, stan br. 7, tel. 061-431-773, 061-911-288 zvati od 9-11 sati
- izdajem 1,5 soban stan (20 kvadrata) sa terasom (9 kvadrata) na Ceravcima (Bihać od 01.08.2025. 200 KM + 100 KM, mob 061-407 300
- izdajem namješten stan u centru Tuzle studentima ili zdravstvenim radnicima na specijalizaciji na duži period. Stana je pogodan za dvije do tri osobe. Informacije putem mobitela 061 720 740, dostupan i Viberom ili Whats app.

PRODAJA AUTA:

- prodajem putnički automobil HUNDAI i30 godina proizvodnje 2011, 1396 kubika, boja siva, 5 vrata, registrovan do 11.11.2025., broj pređenih kilometara 97.400, prvi vlasnik, vozilo garažirano, cijena na upit, tel. 037-222-047, 062-550-099

PRODAJA RAZNO:

- prodajem polovan električni šporet KONCAR, star 2 godine, tel. 061-878-012

RAZNO:

- traži se žena za čuvanje starije osobe. Osoba je pokretna svjesna. Tel. 061-444-967.
- kv zidar i dva pomoćna radnika traže posao u USK-u, tel. 062-142-767

Na osnovu saglasnosti Vlade Unsko-sanskog kantona broj: 03-02-51-1096/2025 od 19.09.2025.godine i Odluke Uprave policije Ministarstva unutrašnjih poslova Unsko-sanskog kantona broj: 05-04/06-11-1174/25 od 25.09.2025. godine, direktora Uprave policije Ministarstva unutrašnjih poslova Unsko-sanskog kantona objavljuje:

JAVNI POZIV

Uprava policije Ministarstva unutrašnjih Unsko-sanskog kantona poslova će izložiti prodaji slijedeća otpisana osnovna sredstva

I – PREDMET PRODAJE

GRUPA - Pedeset četiri (54) službena motorna vozila prema ukupnoj cijeni i tehničkih karakteristika datih u tabelarnom prikazu.

Tekst javnog poziva možete preuzeti na web stranici Ministarstva unutrašnjih poslova Unsko-sanskog kantona <http://mup.vladausk.ba>.

DIREKTOR
Generalni inspektor policije
Amel Kozlica



J.P. “Radio-televizija Unsko-sanskog kantona” d.o.o. Bihać



ČUVARI DOMOVINE, dokumentarni serijal
Ko su ljudi koji su branili domovinu? Kako danas žive? S kojim se izazovima suočavaju? Kako im društvo može pomoći? Emisija „Čuvari domovine“, koju realizujemo uz podršku Ministarstva za pitanja boraca i ratnih vojnih invalida USK, daje glas onima koji zaslužuju naše trajno poštovanje. Subom od 20:05 – donosimo vam priče boraca, podsjećamo na značajne datume, ukazujemo na ključna pitanja i predstavljamo programe resornog ministarstva. „Čuvari domovine“ – emisija o onima koji su bili tu kad je bilo najpotrebnije. Samo u programu RTVUSK. Emisiju „Čuvari domovine“ gledajte u subotu, 27. septembra od 20:05 sati. Urednik Darmin Hadžić.

MUNIRA - Dokumentarni film o majki Muniri Subašić, predsjednici Udruženja „Pokret majki enklava Srebrenice i Žepe“. Dokumentarni film autorice Nerminke Emrić „Munira“ premijerno pogledajte u programu TV USK u utorak, 30. septembra u 20:05 sati.

Al Jazeera Objektiv 36: Genocid poslije genocida

Premiještanje posmrtnih ostataka žrtava genocida do sada ni u jednom predmetu sudski nije procesuirano. „Genocid poslije genocida“ je priča o sudbini posmrtnih ostataka žrtava genocida. Profesor Vedo Tuco podijelio je sa nama najvažnije fragmente svog dvadesetogodišnjeg rada na traženju posmrtnih ostataka i identifikiranju ubijenih. Dokumentarni serijal Objektiv: Genocid poslije genocida gledajte u ponedjeljak, 29. septembra od 15:00 sati.

NAŠA SNAGA, emisija o OS BiH
Ured za odnose s javnošću Ministarstva



odbrane Bosne i Hercegovine realizira TV serijal pod nazivom NAŠA SNAGA, o aktivnostima Ministarstva odbrane i Oružanih snaga BiH.

LJUDI I VRIJEME, dokumentarna emisija

Ljudi i vrijeme, nova emisija u programu RTV USK. Bilježimo događaje ali i priče ljudi koji su ih kreirali i doživjeli. Odluke koje su donijeli promijenile su im život ali i ostavile traga u sredini u kojoj žive. Zavirite u mikro svijet vaših sugrađana i komšija. Kako na njih utiču aktuelni događaji, šta ih tišti i kakve su njihove perspektive. Donosimo vam uspješne životne priče, prekretnice, te svakodnevne izazove. Emisiju Ljudi i vrijeme pogledajte u u srijedu, 1.oktobra u 20:05 sati. Urednica Rasima Henić.

„Život i zdravlje“

„Život i zdravlje“ naziv je nove emisije u programu RTV USK. Emisija će obuhvatiti sve segmente bitne za kvalitetan život i očuvanje zdravlja. Gledajte ponedjeljkom od 20:05 sati. Emisiju uređuje i vodi Gorica Bukić.

NEDJELJOM ZAJEDNO, zabavni program uživo

Uz kvalitetan sadržaj, puno dobre muzike i zabave provedite kraj vikenda uz emisiju Nedjeljom zajedno. Godinama smo uz Vas. Donosimo priče i razgovore sa aktuelnim gostima. Svake nedjelje pratimo šta je to najzanimljivije na muzičkoj, kulturnoj i filmskoj sceni u državi i regionu, ali i na sportskim terenima.

Program Televizije Unsko - sanskog kantona u HD rezoluciji sada možete gledati putem zemaljskog signala DVB-T2 (Frekvencija 31. kanal)

sport

KANTONALNA NOGOMETNA LIGA USK

Omladinac 75 iz Pokoja tri pobjede iz tri susreta

■ Na pet susreta postignuto ukupno 27 pogodaka

Kantonanci su proteklog vikenda odigrali svih pet susreta 3. kola takmičenja.

U svih pet susreta slavili su domaćini. Strijelci su bili raspoloženi te je postignuto ukupno 27 pogodaka.

Omladinac 75 iz Pokoja nastavio je odličan niz, ostvarivši treću vezanu pobjedu iz isto toliko odigranih susreta, te je trenutno vodeća i jedina ekipa sa maksimalnim učinkom. Ovog puta Omladinac 75 savladao je sa ekipu Mladost Polje. Gledaoci u Bužimu su mog-

Vitez - Kamenica 7:0

VITEZ: Nasić, Šahinović (80' Bešić), Abdić, Velić (od 74 Rizvić), Šumić (80' Muratović), Nuhanović (53' Veladžić), Dizdarević, Bašić, Ljubijankić, Eminić, Cinac (74' Bašić). **Trener:** Edham Eminić.

KAMENICA: Rekić, Felić, Keškić, Halkić, Hodžić, Bulić, Behrem (73' Pečenković), Čenanović (58' Dedić), Goretić, Kovačević, Dedić. **Trener:** Edin Šušnjar.

Strijelci: 1:0 Dizdarević (11), 2:0 Nuhanović (21), 3:0 Dizdarević (35), 4:0 Dizdarević (53), 5:0 Veladžić (59), 6:0 Veladžić (62), 7:0 Veladžić (73).

Željezničar - Omladinac (S) 4:3

ŽELJEZNIČAR: Šabić, Kanurić, Mujagić, Grošić, Bobić, Vicković (od 68' Alešević), Lukač (52' E. Gerzić), Gerzić, Komić, Talić (62' Karaibrahimović), Fejsal. **Trener:** Amir Hadžipašić.

OMLADINAC (S): Pehadžić, Kozlić, Omeragić, Vučkić, Balagić (62' Osmanović), Zukanović (od 68 Biščanović), Hadžić, Jusić (62' Keranović), Mujkić, Burzić, Zukić. **Trener:** Edin Napreljac.

Strijelci: 1:0 Kanurić (6), 2:0 Komić (14), 2:1 Balagić (20), 3:1 Gerzić (44), 4:1 Karaibrahimović (63), 4:2 Zukić (73), 4:3 Zukić (90).



Rezultati 3. kola:

IZAČIĆ: Borac - Krajišnik 3:2, BUŽIM: Vitez - Kamenica 7:0, POKOJ: Omladinac 75 - Mladost (P) 3:0, VRNOGRAČ: Mladost (V) - Korana 4:1, BOSANSKA KRUPA: Željezničar - Omladinac (S) 4:3.

U 4. kolu sastaju se:

(subota) VELIKA KLADUŠA: Krajišnik - Omladinac, CAZIN/POLJE: Mladost - Mladost (V), IZAČIĆ: Borac - Vitez (B), (nedjelja) TRŽAC: Korana - Željezničar, KAMENICA: Kamenica - Omladinac 75. Svi susreti počinju u 15 sati i 30 minuta.

TABELA

1. Omladinac 75	3	3	0	0	12:2	9
2. Borac	3	2	1	0	9:3	7
3. Mladost	3	2	1	0	8:2	7
4. Vitez	3	2	0	1	11:6	6
5. Željezničar	3	1	2	0	6:5	5
6. Mladost	3	1	1	1	6:4	4
7. Kamenica	3	1	0	2	3:13	3
8. Krajišnik	3	0	1	2	5:8	1
9. Korana	3	0	0	3	3:11	0
10. Omladinac	3	0	0	3	5:14	0

li uživati u visokoj pobjedi ekipe Viteza koja je slavila pobjedu protiv Kamenice rezultatom 7:0. U Bosanskoj Krupi također je postignuto sedam pogodaka u pobjedi Željezničara protiv Omladinca iz Sanice rezultatom 4:3. Na Izačiću je Borac dočekao Krajišnik iz Velike Kladuše. Odigran je zanimljiv i dosta izjednačen susret. Na kraju je Borac slavio pobjedu rezultatom 3:2. U Vrnograču je Mladost sa 4:1 ispratila debitanta u ligi ekipu Korane iz Tržca. Sutra i prekosutra utakmicama četvrtog kola nastavlja se prvenstvo. U subotu su na rasporedu tri susreta i to susreti u Velikoj Kladuši, Polju i Izačiću, dok će se u nedjelju odigrati dva susreta i to u Tržcu i Kamenici. Svi susreti počinju u 15 sati i 30 minuta.

Omladinac 75 - Mladost (P) 3:0

OMLADINAC 75: Dizdarević, Dervišević, Zulić, Mušeta, Čirić, D.Halavać (79' Ibrišimović), Midžić (62' Handukić), Galin (68' Balić), Demirović, Jusić (79' Gverić), M. Halavać. **Trener:** Halim Stupac.

MLADOST(P): Adilagić, Selimović, Kovačević (60' Kovačević), Džaferović, Majetić, Civić, Bajrić (74' Hozdić), Hadžić (74' Hodžić), Čoralić (60' Čizmić), Begić, Karalić.

Strijelci: 1:0 Midžić (9), 2:0 Midžić (57), 3:0 Čirić (65).

Mladost (V) - Korana 4:1

MLADOST(V): Be.Koštić (65' Ibradžić), Libić, Hegić, Hodžić, B. Koštić, Dizdarević, Čerimović, Dmitrović (60' Kasumović), Muratović (65' Sadiković), Miljković (46' Mašinović), Abdić (60' Ponjević). **Trener:** Agan Mulalić.

KORANA: Dizdarević, Muharemović, Aličajić, Samardžić, Muharemović, Ružnić, Džanić, Čović, Dervišević, Kajtezović (65' Lulić), Begić.

Strijelci: 1:0 Libić (15), 2:0 Koštić (20), 3:0 Miljković (35), Mašinović (49), 4:1 Ružnić (83).

Borac - Krajišnik 3:2

BORAC: Hošić, Bajrić, Š. Islamović, Delić, Šekerić, Sušić, Dereta (od 59 Hušić), M. Alibabić, Halkić, Dž. Islamović, Dž. Alibabić. **Trener:** Mirsad Balić.

KRAJIŠNIK: Čordić, Mujačić (od 46 Šuvić), Dizdarević, Fazlić, Omeragić, Torić, Pajazetović (od 46 Babić), Šakanović, Keranović (od 85 Velić, od 74 Šuvić), Hrnčić, Raković. **Trener:** Edin Alić.

Strijelci: 1:0 Halkić (7), 2:0 M. Alibabić (21), 2:1 Hošić - AG (33), 3:1 Sušić (41), 3:2 Šakanović (52).

PRVA LIGA FBiH - 5. KOLO

U vikendu iza nas prvligaši su odigrali susrete 5. kola takmičenja za sezonu 2025/2026.

U okviru kola odigrano je sedam utakmica. Kolo je završeno sa četiri pobjede domaćina, jedan susret završen je bez pogodaka, dok su gosti slavili u dva odigrana susreta. Odličan susret odigran je u Vitezu gdje je domaćin slavio protiv lidera na tabeli ekipe Tošk-a rezultatom 2:1. Ovo je za ekipu Toška prvi poraz u ovoj sezoni. U Banovićima su Budućnost i Gošk odigrali bez pogodaka 0:0. Tomislav je sa visokih 5:0 na svom terenu savladao Igman. Hat-trik za Tomislav postigao je Sijamija.

Minimalno, ali po viđenom i zasluženio slavio je Čelik na gostovanju kod Bratstva u Banovićima. Jedini pogodak za 0:1 postigao je Mašić u 79. minuti susreta. Favorizirana Sloboda je na svom terenu dočekala Travnik. Tuzlaci su sa dva pogotka u potpunosti opravdali ulogu favorita. Pogotke su postigli Smajić i Mešinović. Stupčanica je na svom terenu sa visokih 4:0 slavila protiv Radnika. Uzbudljivo je bilo i u Bihaću, gdje je Jedinstvo neoček-

Domaći poraz J ekipe Tuzla City

■ U okviru kola odigrano je sedam susreta u kojima su četiri pobjede ostvarili domaćini, jedan je završen bez pogodaka, dok su gosti slavili u dva odigrana susreta

■ Jedinstvo je upisalo treći poraz u pet odigranih kola

Rezultati 5. kolo:

Jedinstvo - Tuzla City 1:2, Tomislav - Igman 5:0, Sloboda - Travnik 2:0, Budućnost - Gošk 0:0, Vitez - Tošk 2:1, Bratstvo - Čelik 0:1, Stupčanica - Radnik 4:0.

U 6. kolu sastaju se:

Radnik - Jedinstvo, Igman - Tošk, Tuzla City - Vitez, Čelik - Stupčanica, Gošk - Bratstvo, Travnik - Budućnost, Tomislav - Sloboda. Svi susreti počinju u 15 sati i 30 minuta.

TABELA

1. Tošk	5	4	0	1	9:4	12
2. Sloboda	5	3	1	1	7:5	10
3. Stupčanica	5	3	0	2	9:3	9
4. Čelik	5	2	3	0	7:4	9
5. Radnik	5	2	2	1	7:8	8
6. Travnik	5	2	1	2	10:8	7
7. Vitez	5	2	1	2	7:8	7
8. Jedinstvo	5	2	0	3	4:4	6
9. Igman	5	2	0	3	7:13	6
10. Tomislav	5	1	2	2	9:10	5
11. GOŠK	5	1	2	2	5:6	5
12. Bratstvo	5	1	2	2	2:4	5
13. Tuzla City	5	1	1	3	6:9	4
14. Budućnost	5	0	3	2	8:11	3

kivano poraženo od ekipe Tuzla City rezultatom 1:2. Veoma loša partija tima iz Bihaća. Gosti su pokazali više želje što su krunisali i prvim pogotkom u 37. minuti susreta. Za vodstvo Tuzla City 0:1 pogodio je Spa-

hić. Drugo poluvrijeme bolje otvaraju gosti, te u 50. minuti drugim pogotkom Spahića povećavaju vodstvo na 0:2. Jedinstvo je uspjelo u 66. minuti pogotkom Fontemachia smanjiti na 1:2. Međutim to je bilo sve od

DRUGA LIGA F BiH - ZAPAD

Rudar iz Kamengrada lid i jedina ekipa sa maksim



U šest odigranih susreta pet puta slavili su domaćini, dok je jedinu gostujuću pobjedu ostvario Ključ u komšijskom derbiju sa ekipom Bajera 99 rezultatom 0:2. U susretu dva Rudara slavio je domaći rezultatom 3:1. Pogotke za ekipu iz Kamengrada postigli su Kamenčić, Medžedović, Hodžić, dok je za goste pogodio Torlak. Ovom pobjedom Rudar iz Kamengrada zasjeo je na prvo mjesto tabele sa maksimalnim uči-

nkom od četiri pobjede iz četiri susreta. Za ekipu Rudara iz Kamengrada nastupili su Horozović, Kamenčić, Šupuk, Lezić, Burnić, Krkić, Cerić, Seferović, Medžedović, Hodžić, M. Burnić. Još su igrali M. Hodžić, Rekić, Sadić, Jahić, A. Hodžić. **Trener Srđan Marjanović.** Komšijski derbi u Velagići-

Rezultati 5. kolo:

KAMENGRAD: Rudar (K) - Rudar (HB) 3:1, BOSANSKA OTOKA: Sloga - Vitez 2:0, NOVI TRAVNIK: Novi Travnik - Radnik 2:0, VELAGIĆI: Bajer 99 - Ključ 0:3, SANSKI MOST: Podgrmeč - Bratstvo 3:0, VITEZ: Romari - Krajina 2:0, Slobodna je bila ekipa Kiseljaka.

ma odigrali su Bajer 99 i Ključ. Susret su Ključani dobili rezultatom 0:3. Pogotke su postigli Huskić, Begić, Medić. Sloga je u Bosanskoj Otoci pogocima Fajića i Bratića sa 2:0 savladala Vitez, a identičnim rezulta-

Jedinstva od rezultatom 1:2

Jedinstvo - Tuzla City 1:2

Strijelci: 0:1 Spahić (37), 0:2 Spahić (50), 1:2 Fontemachi (66).

NK JEDINSTVO: Bilić, Šetkić, Zgonjanin, Farias, Hadrović, Petrović, Stipić, Fontemachi, Božić, Mahmud, Salkanović. Još su igrali Jašarević, Branković, Halilagić, Blažević, Zarić. **Trener** Nedžad Žerić.

TUZLA CITY: Jurkić, Ćosić, Aličić, Bajrić, Suljić, Dakić, Vunić, Husić, Rizvanović, Spahić, Berbić. Još su igrali Dedić, Delić, Husović, Duvnjak, Medinić. **Trener** Aleksandar Vasić.



Nogometni KUP-a UNSK

■ Odigrani su susreti 1. kola nogometnog KUP-a Unsko-sanskog kantona, a pobjednici su se plasirali u drugi krug.

Rezultati:

BUŽIM: Vitez - Krajina Cazin 0:0 (6:7 penali), **KAMENICA:** Kamenica - Rudar Kamengrad (15.10.2025.), **KLJUČ:** Ključ - Bajer Velagići 2:1, **VELIKA Kladuša:** Krajišnik - Podgrmeč Sanski Most 2:4, **BOSANSKA OTOKA:** Sloga - Korana Tržac 9:1, **BOSANSKA KRUPA:** Bratstvo - Željezničar Bosanska Krupa 5:0, **POKOJ:** Omladinac 75 - Mladost Vrnograč 3:0, **POLJE:** Mladost - Omladinac Sanica 7:3.

izabranika Nedžada Žerića, koji je upisao treći poraz u pet odigranih kola.

U narednom 6. kolu Jedinstvo gostuje u Hadžićima, gdje ih dočekuje ekipa Radnika koja je u dosadašnjih pet kola ostvarila dvije pob-

jede, dva remija i jedan poraz.

Zasigurno u Hadžićima neće biti lako za ekipu Jedinstva, koja teži ka ostvarenju što boljeg rezultata. Svi susreti počinju u 15 sati i 30 minuta.

er na tabeli alnim učinkom

■ U kantonalnom derbiju u Sanskom Mostu Podgrmeč je sa 3:0 slavio protiv Bratstva

TABELA

1. Rudar K	4	4	0	0	13:4	12
2. Romari	5	3	1	1	10:9	10
3. Kiseljak	4	3	0	1	12:5	9
4. Ključ	5	3	0	2	9:6	9
5. Novi Travnik	4	2	0	2	8:6	6
6. Sloga	4	2	0	2	8:8	6
7. Bratstvo	5	2	0	3	8:8	6
8. Radnik	5	2	0	3	14:15	6
9. Rudar HB	5	2	0	3	13:14	6
10. Krajina	5	2	0	3	9:12	6
11. FK Vitez	5	2	0	3	10:14	6
12. Bajer 99	4	1	1	2	5:10	4
13. Podgrmeč	5	1	0	4	8:16	3

U 6. kolu sastaju se:

HAN BILA: Rudar - Krajina, **BOSANSKA KRUPA:** Bratstvo - Romari, **KLJUČ:** Ključ - Kiseljak, **DONJI VAKUF:** Radnik - Bajer 99, **VITEZ:** Vitez - Novi Travnik, **KAMENGRAD:** Rudar - Sloga. Slobodna je ekipa Podgrmeča.

tom pogocima Vrebca i Čakića slavio je Novi Travnik protiv Radnika.

U kantonalnom derbiju u Sanskom Mostu Podgrmeč je sa 3:0 slavio protiv bosanskokrupskog Bratstva. Pogotke su postigli Paunović i

ekipu Romaria. Cazinaska krajina gostuje u Han Bili, dok Bajer 99 gostuje kod Radnika. Ekipa Podgrmeča iz Sanskog Mosta je u ovom kolu slobodna.

Svi susreti počinju u 15 sati i 30 minuta.

Bekrić (dva). Ekipa Romaria je sa dva pogotka počastila Krajinu iz Cazina. Za sigurnu pobjedu pogodili su Suknjov i Imamović.

Takmičenje se nastavlja ovog vikenda kada su na rasporedu susreti 6. kola.

Očekuju nas zanimljivi susreti. Derbi se igra u Kamengradu gdje vodeći Rudar dočekuje Slogu iz Bosanske Otoke. Od ostalih susreta možemo izdvojiti susret gdje domaći Ključ dočekuje Kiseljak. U Bosanskoj Krupi Bratstvo dočekuje uvijek neugodnu



PIONIRI AKADEMIJE NOGOMETA JEDINSTVO BIHAĆ U ZAGREBU

Na “Tika Taka” jesenjoj ligi ostvarili dvije pobjede i jedan poraz

Proteklog vikenda polaznici Akademije nogometa Jedinstvo Bihać boravili su u Zagrebu, gdje su sa selekcijom pionira odigrali tri susreta u sklopu jesenjeg dijela Tika Taka lige.

Mlada ekipa iz Bihaća u jednom danu odigrala je tri kvalitetna i zanimljiva sus-

AN Jedinstvo - NK Maksimir 11:0

AN Jedinstvo - NK Sesvetski Kraljevac 1:2

AN Jedinstvo - NK Hrvatski Dragovoljac 3:2

reta. Ostvarili su ukupno dvije pobjede i jedan poraz. U prvom susretu pioniri AN Jedinstvo Bihać uvjerljivo su slavili pobjedu protiv vršnjaka NK Maksimir rez-

ultatom 11:0. U drugom susretu u dosta izjednačenoj utakmici Biščani su poraženi rezultatom 2:1 od ekipe NK Sesvetski Kraljevac. U trećem kolu odmjerili su

snage sa vršnjacima NK Hrvatski Dragovoljac. Dinamičan susret sa ukupno pet postignutih pogodaka završen je pobjedom mladih Biščana rezultatom 3:2. Nakon tri odigrane utakmice ekipa pokazuje dobru igru, borbenost i veliko zajedništvo.



PREMIJER FUTSAL LIGA BiH - 1. KOLO

Bubamara u Cazina dočekuje ekipu Akademac iz Trebinja

U subotu, 27. septembra utakmicama prvog kola starta Premijer futsal liga BiH za sezonu 2025/2026. Ekipa Bubamare iz Cazina kreće u odbranu titule prvaka za proteklu sezonu. Cazinjani su odradili maksimalno pripreme te u prvenstvo ulaze spremni da uz što bolje igre ponovno dodu do naslova prvaka. U sklopu priprema ekipa je odigrala i nekoliko kontrolni susreta, te je ostvarila i historijski uspjeh plasiravši se u glavnu rundu futsal Lige prvaka. Generalnu probu Cazinjani su imali protiv ekipe MNK “Osijek”, viceprvakom Hrvatske, te su odličnom igrom u dvomeču ostvarili isto toliko pobjeda.

Premijer futsal liga starta ovog vikenda, a za naslov najboljih borit će se ukupno deset ekipa. MNK “Bubamara” Cazin u subotu, 27. septembra, u okviru 1. kola Premijer futsal lige BiH dočekuje FK “Akademac” iz Trebinja. Susret se igra u Sportskoj dvorani Cazin sa početkom od 19 sati.

Raspored 1. kolo:

(subota) CAZIN: Bubamara -Akademac, **GORNJI VAKUF:** Sloga - Željezničar, **MOSTAR:** Mostar SG - Sarajevo, **BANJA LUKA:** Borac - Brod, **(nedjelja) TUZLA:** Salines -Rama.



Medalje za karatiste Regeneracije iz Velike Kladuše i Pegaza iz Bihaća

Proteklog vikenda u Banjoj Luci je održan "20. BH Banja Luka open 2025". Na karate takmičenju nastupilo je ukupno 488 takmičara iz 90 klubova. Sa svojih sedam takmičara predstavio se i Karate klub "Regeneracija". Odličnim nastupom karatisti ovog kluba iz Velike Kladuše stigli su do prvih bodova u veoma jakoj konkurenciji. Bodove su osvojila dva takmičara ovog kluba. Taris Beganović osvojio je drugo mjesto i srebrnu medalju u katama za kadete dok je juniorka Iman Ružnić osvojila treće mjesto i brončanu medalju u borbama. Ovo su prvi bodovi za karatiste koji

se bore za ulazak u reprezentaciju BiH za nastup na Evropskom i Balkanskom prvenstvu. Spisak reprezentativaca znat će se nakon zbrajanja bodova sa ovog takmičenja i državnog prvenstva koje će biti održano 11. i 12. oktobra ove godine u Cazinu. Zapažen nastup na takmičenju u Banjoj Luci imali su i karatisti Karate kluba "Pegaz" iz Bihaća. U konačnom plasmanu klub je osvojio odlično 11. mjesto, što je i najbolji rezultat klubova iz Unsko-sanskog kantona. Takmičari ovog kluba uspjeli su osvojiti šest medalja od kojih dvije zlatne, tri srebrene i jednu brončanu. Prva

mjesto i zlatne medalje osvojili su Hana Zjakić, borbe djevojčice 13 godina u kategoriji + 54 kg, Ela Dervišević, kate djevojčice 8 godina. Druga mjesto i srebrene medalje osvojili su Sara Prša, kate djevojčice 13 godina, Elajna Imširović, borbe djevojčice 13 godina u kategoriji - 44 kg i kata tim djevojčice 12/13 godina u sastavu Ema Dervišević, Sara Prša i Elajna Imširović. Treće mjesto i brončanu medalju osvojila je Ema Dervišević, borbe djevojčice 12 godina u kategoriji -45 kg. Ovo su i prvi osvojeni bodovi za ulazak u reprezentaciju BiH za predstojeća takmičenja iz KK "Pegaz" Bihać.

KICKBOXING:

ZAVRŠENO EVROPSKO PRVENSTVO U ITALIJI

Zlatni Benjamin, srebrna Adelisa, bronzani Mensur i Muhamed sa USK

Kickboxing reprezentacija BiH vratila se iz Italije gdje je učestvovala na Evropskom prvenstvu u kickboxingu. Na takmičenju je nastupilo 2.376 takmičara iz 43 države, a reprezentacija Bosne i Hercegovine nastupila je sa 43 takmičara. Takmičari iz BiH osvojili su ukupno 18 medalja na Evropskom prvenstvu u kickboxingu za juniore/kadete i djecu u italijanskom gradu Lido di Jesolo, od kojih četiri zlatne, šest srebrnih i osam brončanih. U Italiji kao članovi reprezentacije nastup je zabilježilo i 14 takmičara iz klubova iz Unsko-sanskog kantona. Najbolje rezultate takmičara iz Unsko-sanskog kantona ostvarili su Benjamin Čelebić iz KBS Zino Bihać osvojivši prvo mjesto i zlatnu medalju, Adelisa Hrnjica iz KBS "Ljutoč-Orašac" osvojivši drugo mjesto i srebrnu medalju i Mehmed Krupić iz KBS "Fadil Bajraktarević-Gazija" Bužim osvojivši treće mjesto i brončanu medalju.

Takmičar Benjamin Čelebić predstavio se u konkurenciji mladi kadet u disciplini Point fighting -30 kg. U svom nastupu kao nosilac grupe prošao je prvi krug i već osigurao bronzanu medalju. U finalnoj borbi mladi Čelebić savladao je takmičara Nagy-Molecz Adama rezultatom 11:4, te zaslužio osvojio naslov prvaka Evrope u Point fighting -30 kg. Mlada Adelisa Hrnjica, predstavila se u konkurenciji starije kadetkinje u kick lightu u kategoriji - 55 kg. U prvom nastupu savladala je Chloe Tench, predstavnicu Velike Britanije, čime je osigurala brončanu medalju.



Ovim rezultatom Adelisa se plasirala u polufinale, gdje se borila sa Leonom Petrović iz Hrvatske. Uvjerljivim i potpuno dominantnim nastupom Adelisa se plasirala u finale, gdje ju je čekala predstavica Grčke. Mlada Adelisa odlično je odradila i finalnu borbu, ali nažalost nije uspjela savladati predstavnicu Grčke, te je Evropsko prvenstvo završila kao drugoplasirana, što je rezu-

ltat vrijedan pažnje.

Junior Muhamed Krupić, zabilježio je također odličan nastup. Takmičar iz Bužima predstavio se u kategoriji juniori -74 kg, Light contact te je odličnim borbama osvojio odlično treće mjesto i brončanu medalju. Prvu borbu Muhamed je odradio protiv predstavnika Češke, pobjeđivši uvjerljivo sa 3:0. U drugoj borbi sastao se sa predstavnikom Hrvatske, a istu je završio u svoju korist prekidom u trećoj rundi, također rezultatom 3:0. U trećoj borbi savladao je takmičara iz Poljske rezultatom 2:1 čime se uspio plasirati među četiri najbolja u Evropi. Mladi Krupić zauzavljen je u polufinalnoj borbi od predstavnika Velike Britanije, aktuelnog svjetskog i evropskog prvaka.

- To je bila jedna od mojih najboljih borbi u karijeri, mnogi smatraju da sam zaslužio pobjedu. Borba je cijelo vrijeme bila u bod razlike, a kako se bližio kraj, počeo sam dobijati opomene za koje još uvijek ne znam razlog, što je utjecalo na konačni rezultat, istakao je Muhamed Krupić, takmičar iz Bužima. Treće mjesto i bronzanu medalju je ovožio i Mensur Razić, stariji kadet, kick light, -47 kg iz Sanskog Mosta.

Ostali takmičari iz Unsko-sanskog kantona uz dobre borbe ipak nisu uspjeli izboriti plasmane za medalje. Selektor reprezentacije Milan Vitković, šef delegacije Salko Zildžić i treneri reprezentacije Senad Čatić, Adnan Redžović, Mustafa Zulić, Igor Grbić, Veldin Halić, Nikola Đurić i Bećo Durdžić, zadovoljni su nastupom takmičara na prvenstvu u Italiji.

ODBOJKAŠKI TURNIR

22. MEMORIJALNI ODBOJKAŠKI TURNIR "BIHAĆ 2025"

Na turniru učestvuju OK "Sisak", OK "Rijeka" i domaćin OK "Bihać"

Odbojkaški klub "Bihać" i ove godine već tradicionalno dvadeset drugi put organizira memorijalni odbojkaški turnir u znak sjećanja na sedam izuzetnih sportaša i vrsnih odbojkaša bihačkog kluba koji su živote izgubili u agresiji na BiH.

Takmičarski dio memorijala se održava u Sportskoj dvorani "Luke" u subotu, 27. septembra ove godine, a nakon nekoliko godina izbjivanja sa ovog turnira, ponovo učestvuju gostujuće ekipe iz Hrvatske, OK "Sisak" i MOK "Rijeka".



XXII MEMORIJALNI ODBOJKAŠKI TURNIR "BIHAĆ 2025"

Program

Subota (27.09.2025.godine):

- 09:30h Okupljanje na Groblju -Humci- obilazak mezarja poginulih članova Odbojkaškog kluba "Bihać"
- 12:00h Svečano otvaranje Turnira
- 12:30h Utakmica OK BIHAĆ - Veterani OK BIHAĆ
- 13:30h Utakmica OK BIHAĆ - MOK RIJEKA
- 15:00h Utakmica MOK RIJEKA - OK SISAK
- 16:30h Utakmica OK BIHAĆ - OK SISAK
- 18:00h Završetak Turnira i odlazak na zajedničku večeru



Medalje za BiH reprezentaciju osvojili su:

ZLATNE MEDALJE:

1. David Mudrinić, stariji kadet, kick light, +69 kg
2. Jelena Stojanović, mlađa juniorka, low kick, -60 kg
3. Nikolina Cvijetić, mlađa juniorka, low kick, +60 kg
4. Benjamin Čelebić, point fight, -30 kg u konkurenciji djece

SREBRENE MEDALJE:

1. Boris Aleksić, mladi junior, K1 style, +81 kg
2. Sahim Babić, stariji junior, K1 style, -86 kg
3. Alem Merdan, stariji junior, K1 style, -81 kg
4. Benjamin Ganjgo, mladi junior, low kick, -75 kg
5. Dragan Maksimović, mladi junior, low kick, -67 kg
6. Adelisa Hrnjica, starija kadetkinja, kick light -55 kg

BRONČANE MEDALJE:

1. Adnan Kadić, low kick, -86 kg, stariji junior
2. Nikolina Vlaški, low kick, -48 kg, starija juniorka
3. Denis Adulović, low kick, -75 kg, stariji junior
4. Isa Zildžić, K1 style, -67 kg, mladi junior
5. Imran Botić, K1 style, -54 kg, mladi junior
6. Ali Babić, full contact, -81 kg, mladi junior
7. Mehmed Krupić, light contact, -79 kg, junior
8. Mensur Razić, kick light, -47 kg, stariji kadet.